



前兩廣總督周玉山

前江西巡撫周瀚如

兩先生刪正



北山草堂遊覽詩記

前江西按察使周味西夫子評定

前在任候選道黃南垣先生校刊

西行雜咀

卷首

宣統元年歲次己酉孟夏月

穀旦

宣統元年春中

鑄于密國學書

求實學堂梓行徐國章刊印

楊君煥之明經詩序

漢魏以前之詩興至成文不事追琢出於情之不容己而達其意之所欲言而已故言愈淡旨愈遠所以得風人遺意其謂詩窮而後工者乃文人追琢之病非正宗也余嘗謂學者曰天下有真性情自有真文章彼描頭畫角者飾其貌以媚人也詞雖工其如性情失真何楊煥之明經性愛遊山水與余同癖間於舟車中吟詠自遣不以稿示人人見其穆

西行雜俎

卷首

一

然意遠若有所自足者亦不知其能詩也近日料檢行李將作歸計見有詩數百首取而讀之覺其行蹤所至流連景物感慨懷人罔不逸興淋漓達之亶亶皆出於肺腑而不容已於言者詞藻之工則其餘事也余曰何耽亶於是耶煥之曰我足迹半天下遊覽名山大川傾蓋者指不勝屈人生別易會難安可憇然忘也他日高臥林下我將以此詩作宗少文卧遊圖不啻與朋好攜展挈榼時也豈

徒雪泥鴻爪之寄哉余於是信煥之得性情
之真方之風人何所多讓因請友人 黃君
南垣爲用聚珍板印之以分遺戚友讀煥之
詩想皆有真性情者當不以余言爲河漢也
煥之屬余序因書此贈之

宣統元年二月

頭品頂戴前陸軍部尙書兩廣總督

通家愚弟周馥拜撰

西行雜咀

卷首

二

楊君煥之先生詩序

三百篇後莊荀屈賈以暨唐宋諸大家皆以
文詞名要皆道其性情而具夫興觀羣怨之
旨非庸妄巨子所能窺其萬一卜氏子得聖
門詩傳禮後一言契於聖心其明證也且夫
名山大川其靈秀之氣磅礴鬱積歷數百年
而一洩其奇人之孕其菁華宣其懷抱或和
其聲以鳴盛或遇不平而自鳴如李青蓮之
在開元天寶間所遇奇詩亦因之而奇豈偶

西行雜咀

卷首

然哉夫青蓮蜀產也蜀多崇山峻嶺飛泉湍
流奇水怪石極天下之鉅觀青蓮生其地而
得其靈秀之氣故其詩爲唐代之冠其後浪
跡江湖南遊宣州之敬亭迄今千數百年讀
其詩臨其地猶想見之焉謂非地以人傳言
以人存乎青蓮而後爲蜀產亦以文辭著名
者越數百年始有眉山蘇子噫其難也射洪
楊君煥之以鄉進士不樂仕進好爲山水遊
昨隨玉帥來宣約余同遊柏槻蔴姑止瀚帥

家共談之餘領其言論丰采卽知其能詩且必其詩之淵源有自也翌日偕玉帥遊敬亭君亦與焉以蜀之人而遊蜀之前賢所遊之地登山俯仰有高揖古人之意歸遂出其西行南遊所賦詩卷視余并囑余序余讀其詩益知其人之言之有本也至其詩中名言旨趣與夫俊逸清新不讓前賢專美者玉瀚兩帥之弁言已詳之矣余復何用贅詞所可羨者蜀地多才詩人輩出由青蓮子瞻而上溯

西行雜咀

卷首

二

之莊荀屈賈由莊荀屈賈而上溯之三百篇爲詩之旨得而詩之所以信今傳後者亦得矣君今其有意乎敢不述之以爲序

宣統元年仲春下浣

寄隱敬亭山人黃秉鈞南垣謹撰

北山草堂詩記目錄

卷首

序

名目

卷一

西行雜咀

卷二

南遊紀咏

卷三

南遊續集

跋

西行雜咀

卷首

北山草堂詩記名目

建德玉山氏周馥評閱

宣城瀚如氏周浩評閱

桐城南垣氏黃秉鈞校刊

建德世弟叔跋氏周暹校閱

長男立齋氏世特同校字

次男經齋氏世緯同校字

漢中門人叔善魯寶書同校字

西行雜咀卷一

北山草堂詩記

蜀北射洪煥之楊昌邠學

光緒庚子之變

神京震動



乘輿西幸天下洶上悚懼思報効者咸拱衛西京余亦欲伸壯志覓路請纓辛丑暮春西入秦三月二十五日偕徒人三五宿中汀遊南渡口觀西山戍卒有懷云遙望長安近日邊旌旗飄拂玉華巔春風結伴朝行徑落日揮戈夜不眠南渡鐘聲驚客夢西山征戍怯烽煙那堪班馬蕭蕭動又值唐宮天寶年

四月初五日文縣州迴憶藍遊跳梁駱文忠公秉璋

西行雜咀

卷一

一

督川平逆於綿一戰而尸塞涪流從此川靖蜀人思公績編立祠祀之余過此嘆斯時無如公者而憂亂無已時也作七古以弔云憶昔長髦起小醜慧星西墜大如斗戈撞戟折重相磨鯨鯨一吼摧山阿綿西夜呼野火燎將軍不敢宵渡涪天子曰吁帥命賂先除頑凶誅元惡石酋受首藍逆亡從此靖安亂不復鐵衣重解闔弗驚悠然欣見泰階平睢盱謳吟重熙日衣食纔足安無傾蜀人祝公如祝歲公曰蜀人其勿替嗟爾保介毋委蛇猩鬪出沒生蛟螭聖朝有道腥臊滌毋以亂泯而忘轡西人拜手頌公福際斯微公蜀日蹙城闕煙塵別恨生安得公歸再世出我來

千里憑弔公公應與我入秦中忠魂憤懣盤清空滿
朝失色生恁容大揮天戈輔天子一掃絕朔還於東
住綿十日因蒲生雲鶴足瘡不能行檢書夜讀至明
末祚終張煌言義不食清粟逃名海外普陀山出家
康熙三年福建總督袁訪知奏聞伏誅張公臨刑有
詩云海甸縱橫二十年孤臣心事竟茫然桐江空繫
嚴光釣震澤難回范蠡船生比鴻毛猶負國死留碧
血欲支天魯戈莫挽將頽日敢望千秋青史傳愛其
浩氣縱橫彌綸宇宙一種孤忠莫訴之情令人不忍
卒讀余弔以詩云明祚將終未可延孤臣無計了餘
年生嫌清粟紅塵淡死戀朱廷碧血鮮聖代不能容

西行雜咀

卷一

二

烈士將軍安許學神仙一腔忠憤憑誰訴好對先皇
泣九泉

十五日過梓潼登七曲山觀文昌聖境但聖廟常局
少人遊覽敲門逢僧出引遊後山見山高林密徑古
人稀四壁煙雲滿階苔蘚有懷云聖境清高絕俗埃
登臨且喜禁門開文峯秀列三台拱字永香分七曲
迴桂殿巍峩重闔戶蕉窗冷落半生苔莫嫌斯地遊
入少千古英雄自此來

十七日宿武連驛觀武侯當日屯兵處有感云大名
昔日懷諸葛小住今朝閱戍樓剖去三分憂鼎足奔
來萬壑住營頭風雲變態旌旗動鼓角喧填鬼物愁

如此奇才今不再中原懋矣待誰收

十九日行經劍閣四圍峻嶺崇山中通一道左右皆絕壁萬丈中多怪石林立古碣蒼然出峽口兩旁巉石挿天如刀如劍排橫數百里真天塹也余壯此阨塞作劔閣行云劔閣凌七何壯哉仰視突兀摩天來盤迤縈紆不可越鳥飛忽下傾塵埃秦王拓地肆貪淋蜀命五丁劈剖開巨靈斫斷大石走壁立一徑分兩排砢砢石戟揮雲際皎皎寒刀列天階飛壁騰劍龍蛇動深岩古鑿摹鼎彝鏤雲泄霧露石穴縱有絕頂仰迷離磽确夾出無道路崑嶠高下藏蛟螭我來適值陰雨晦如入雲幄行起蹇礫石鞭僕僕不進時

西行雜咀

卷一

三

見魄詭驚伏獅如此天塹豈不守鬻古右德能維持自昔李雄恃此固傳不再世糜子遺公孫耽逐不臣服矜險妄僭遭誅夷於今版宇大一統胡堪弛患疎藩籬當權大吏老於事不動遠畧忘所爲異冠垂紳廟堂器誰復業建周與伊龍蟠虎踞不足貴豈必扼險能防危嗟哉吾土籌邊者安可無所鑒於茲

天雄關卽昔之葭萌關武侯收馬孟起處也二十日余過此羨孟起之能得真主芳名重於泰山設爲張魯死於此同草木腐耳人生懷才莫負所用方爲豪傑作七古云葭萌關外暮煙飛清月出嶺烏夜啼狂風捲天百草折鯨鯢跋浪蛟龍泣龍哈虎嘯風哀鳴

一夜關前金鐵聲漢家軍相西出征將軍玉帳蒐雄
兵聲摧劍外煙塵裏壯士長懷馬孟起一心輔漢歸
眞王不肯終爲張魯死人生有才貴有君安可姑容
錯委身古來豪傑留青史都是皇家帝世臣
二十二日登朝天關五古云昨從天關來衣上朝天
兩天險不可登立馬空中住忽聞金雞鳴高山白雲
護飄上行欲仙疑是蓬萊路

二十三日過神宜驛小憩摩讀古碣云卽古之籌筆
驛也余考方輿勝覽云在四川綿州綿谷縣今爲縣
竹縣北有籌筆驛唐李商隱過此有詠未必武侯當
日出師籌筆有兩處也余過此有懷云古驛蒼匕何

西行雜咀

卷一

四

所之當年籌筆苦繁思煙雲猶篆三分字血汗空勞
兩出師隴上七星嫌落早中原九伐已偏遲可憐兵
墜摩天日坐縛無人枉淚垂

二十四日過七盤關出關卽陝西界上有玉皇宮關
登臨作五古云山勢如湧出嶮嶙盤太虛孤岑聳天
柱磴道通蓬壺登臨最高處極目隣京都京都不可
見空山聞鷓鴣又七律云七盤紆曲萬峯回怪石疊
七幘作堆劍外青山皆北向關中紫氣自東來劈開
川漢天如劃掃去煙雲地不灰到此加鞭須更上長
安西望莫徘徊

二十五日宿甯羌州觀城外七星池纍匕大石七粒

佈獲如北斗壯相傳常有星落池中亦奇境也作七古云方塘半露石確犖相傳當日七星落池中星落是何年不見天垣少一宿星在池中星不明池塘春水抱星生星光壓定水光碧池上人如天上行池平波撼石欲走七星朗朗大如斗觀星不必定觀天二十八宿我胸有君不見文曲不明武曲暗貪狼肆毒祿存見巨門廉貞靜不移惟有破軍光未斂又不見北斗橫天池水綠天上人間一齊出最怕鯨鯢捲浪水生風一時掩却星垣觀不着

二十七日次沔縣城無居民縣署廳署俱住城外相傳卽武侯西城彈琴退仲達處摹讀斷碣亦曰古之西城至今城猶空設余過此有感云街亭失守甚遠巡誰識先生策更新草木一揮皆甲士乾坤竟許作完人還山虎豹奔騰急脫釣蛟龍出沒神今日空城隨處是後因胡不似前因

沔縣城外里許有武侯祠古柏森森蒼然可愛入祠拜謁不減錦里祠廟感而作七古云漢家四百天所命軼物不遺蜀統正北伐豈肯讓三分史傳偏安非定論先生躬耕不求聞南陽高臥了其性先帝冒險涉植溪秋月村莊求水鏡伏龍鳳雛何處尋三顧未嘗希接晉惟愁凍雪落紛紛不敢宴安聘賢聖遲七窻日照草堂感激方許明良慶初出博望功第一驚

破曹瞞心膽震赤壁一戰助周郎南屏早許東風勁
華容仗義走蛟螭荊州憑借行政令東結北伐定鼎
形西圖南收咸俯聽大勳未集永安號白帝空悲孤
月映臥赤安坐輔如姬比屋道化重恩信平蠻士卒
氣猙獍渡瀘不惜冒難進南詔永服崇靈祠銅柱高
標威大定兩表權輿謨誥書六出不辭驂戎乘丈原
流星落帳忙萬古英雄弔不愁精靈凝結已千秋前
身後身誰證印饑鷹凍雀啼枯枝暮雨寒霜促鴉
陣祠堂惟有柏森森苔蘚爛斑沒芳徑樵子敲殘斷
碣碑墓讀猶堪識高行茫七千載如一時景物非比
昔年勝

西行雜咀

卷一

六

武侯祠內有石琴一張最奇古以指彈之烈七有聲
咏七絕云莫彈梁父嘆三分想到三分惹恨深架上
有琴揮不得遙七千載孰知音又五絕云漢家一片
石居然太古琴欲彈梁父曲恐動武侯心

定軍山在沔縣南武侯墓在焉余過此有懷云定軍
山下猿哀鳴日夕聲悲不可聞未許大星明五丈空
留遺塚泣三分摩天嶺外多愁雨白帝城邊有暮雲
爲問永安宮裏事詔書胡忍讀終文

沿途題壁詩未見有佳者何昔日人才之盛而今日
人才之衰若此也二十九日至褒城見宜甫氏題壁
四絕尙清新雋逸秀色可餐但不知其姓名其一云

武當南望路悠七百疊雲山萬壑愁正是王孫歸未
得那堪客裏又中秋其二云山腰雨過鉞輿輕十日
難逢一日晴唱遍鷓鴣紅樹晚鷄頭關下是褒城其
三云漢南霜早柳條疎點綴秋光入畫圖且喜中天
雲氣薄今宵可有月模糊其四云秋風檢點舊征衣
北馬南船事盡非從此臥遊宗少子不將遠志換當
歸

余至褒城子然獨立孤身異地訪友無從忽值傅仁
山自漢中至見其壯貌清奇形神飄逸余甚慕之次
日登雞頭關相與語始知爲仁壽縣人譚及學問有
大家風益相敬愛但持長齋與孔子道稍涉異趣然

西行雜咀

卷一

七

語及天下事無不流涕憤懣慷慨激昂此亦賢豪者
流而自放於山巔水涯之外耶余於道中贈以七律
云素王應亦重齋明變食何嘗定厭精版築况多賢
宰相風塵誰識老先生煙霞自古多名士霖雨而今
豈異情時世變更終不返問君何事到褒城

五月初一日過褒姒鋪谷內有褒姒村荒烟蔓草荆
棘滿庭觀此有懷云烽火台前雨未收離匕禾黍不
勝秋谷斜日落村猶古人去山空水獨愁紅粉已無
當日麗青江仍似舊時流任他絕色終亡國空有啼
鴉叫陌頭

初三日過留壩西卽陳倉道魏郝昭築城於此郝昭

病武侯乘夜奪之余過此懷古云陳倉煙月陣雲橫
誰識宵屯上將營虎穴不難乘夜入雞頭翻使向朝
行千秋伯仲惟伊呂百戰功勳豈信平從此毋須籌
暗度令人終古仰先生

宿留壩五律云山月隨人遠荒城入望低五更鷄報
曉一路鳳鳴岐夾岸人聲寂幽溪馬道迷壩陵朝夢
斷清夜子規啼

初六日宿北棧河五律云北棧風煙苦關山月倍涼
馬行褒峽瘦人到壩陵黃峭壁當頭立灘聲過耳忙
悄焉終夜寐清夢欲還鄉

初七日過斜谷道口昔武鄉侯出師處也有感云斜

西行雜咀

卷一

八

谷深深北道幽兩山橫夾一溪流天開半壁難留月
路繞千崖莫繫舟六出無功泉亦咽三分有數浪生
愁灘聲慄七催人早喚起征夫日不休

紫柏山有留侯祠張子房辟穀處也林木陰森花鳥
閒逸遊人過此必流連玩賞余題一律云遺像清高
萬古垂聰明不愧帝王師赤松有約呼猶應黃石無
言拜豈知嶺上雞鳴君去早山頭虎嘯我來遲牛生
了却封侯願紫柏森森任所之

柴關嶺上有留侯洞相傳赤松子所居後子房成道
於此時有白雲出必大雨余過之望見洞中若有人
高不可極題五古云楚漢兩紛紛子房獨歸季功狗

不功人消却英雄氣優游石洞眼中有赤松子我從
千里來高臥柴關裏不見洞中人但見白雲起仙人
歸來歸鷓鴣啼不已

初九日登南天門云西行千里外飛步上南天客坐
疑槎上人來自日邊羽音聞目窺郵火亂星躔舉首
凌宵近江山一覽全

宿鳳縣遊果老園張果老仙灌園處有石洞遺址尙
存題五古云昨從七盤來今又踰沔漢鳳嶺及雞頭
名勝各幽竄及至果老園不見老翁面朱粧滿幽欄
紫芝生庭院園林足清幽山景交凌亂暮禽相往還
炊煙忽消半客來花鳥親人去山影散山川亦嶙嶙

西行雜咀

卷一

九

平原復迷漫飄七雲欲飛疑是神仙眷仙人久不歸
空有啼鳩喚

十三日過隴上觀諸葛武侯侯割麥處有作云隴上
裝神奇不怪當場作戲法皆兵伏龍道士身常見司
馬兒曹股玩輕此計豈真令地縮斯人畢竟是天生
將軍不愧稱巾幗堪笑軍前木偶驚

十五日次岐山留住十日偕傅仁山遊卷阿觀周公
廟卷阿有清泉潔白味甘煎茶最美有召伯甘棠樹
一株奇古可愛余與仁山煎茶其下賦七古云君不
見卷阿之水清且白所謂伊人不可得空餘原隰仰
榛苓寂寞江天雲一色在昔周家造作人卜世祿七

八百春苔荒徑古無人跡花間惟有鷓鴣親我偕仁
山踏芳徑相邀煮石探名勝臥遊曾不夢周公石上
幽泉滿清聽泉聲日日咽人間繞閣東風去不還西
京誰復舊時業北固一望空雲山山川處處亂飛雲
獨立寥々日落村待公不來我亦去空留明月到黃
昏

五丈原在岐山東南四十里有武侯廟壁間刻有岳
武穆所書兩出師表讀之令人慷慨激昂唏噓感慨
弔云軍務空勞志不伸鞠躬無忝託孤臣那堪哭謨
常思帝胡未誅曹遼殞身禳斗惜無延命日摩天終
有墜兵人多才造物偏遭忌竟使長星早落塵

西行雜咀

卷一

十

用兵之道進固難退亦不易善退者能卻追兵得以
全師而還方稱大將之才余過五丈原見武侯退兵
處有感作七律云歿後遺謀真國士生前事業自英
雄眼中早已無司馬車上居然有臥龍此日鞠躬原
不忝他年恢復竟成空那堪九伐終難挽長使降王
念蜀中

余過五丈原觀武侯禳星處流連太息竊嘆英雄當
末路千古恨難平足見人生感深知已酬報容非易
事讀出師表至鞠躬盡瘁死而後已未嘗不潸然泣
下當日若無三顧之恩安能受此六出之苦感而作
五絕云既許三分鼎難辭六出疆丈原應自悔不若

臥南陽

二十八日過馬嵬坡觀貴妃祠墓蔓草荒煙滿庭荆
棘纍七孤塚窟兔巢鬪一時歡娛千古遺恨可嘆人
生欲不可縱樂不可極興盡堪悲盈虛有數追維天
寶之亂直不啻有今昔之感也咏七古云漁陽鼙鼓
聲七急驚徹長安日無色馬嵬春草正愁人阻却六
軍行不得玉顏回首望君王掩面啼噓烏啼泣明月
無聲落塞寒東風不管人將別惟有衰草送君行蜀
山蒼七蜀水碧回鸞又值春草生滿目蒼茫涼月白
不見月明落君懷空使鷓鴣伴行客秋夜偏教引恨
長春宵一刻無停息九華宮裡叩雙扉長生殿中懷

西行雜咀

卷一

十一

七夕茫茫千載恨難平致令宇宙悲陳迹我亦傷春
弔古人憂亂踰秦過隴陌可憐唐世太平春奸人一
呼亂者劇由來安樂易生愁千古歡娛何可極

六月初四日至長安謁見同鄉隨扈來秦者談及燕
京變故道其實事兩淚潸然余爲作燕歌行云北風
吹雲龍欲飛黃沙莽七人跡稀胡馬含悲胡虜逸猩
鬚騷動蛟龍泣天津晨震礮開花楊村夜奔杵流血
將軍號令不敢動戰士倒戈還相接公卿偃僂匍匐
行健兒猙獍貌如鐵腰下寶玦不敢擊聲摧金刀互
爭敵殺人如麻勝土泥旌旗無光日無色車駕遙七
出雁門半夜軍行千騎奔一夫狂呼陰山動平明吹

角天欲昏達官顯宦不足貴翠蓋豹舄難爲尊長城
萬里繞歸路遼水一望思故園行宮月色徧秋露對
此直欲消殘魂可憐從扈歷艱苦問之無聲淚如雨
偕來呼伴三兩人日夜潛行二百里焦頭濫額護輦
行九死一生到官府輜重棄置遺道途骨肉不得同
一處君爲我言君淚落我爲君歌亦應哭同遭離亂
走天涯焉能安枕太平宿生值不辰其奈何不如沽
酒與君且對酌

鸞輿未至前夕有仙鶴二隻飛鳴空際傍晚集

行宮樹上三宿而去余異之作五古二首云禁苑秋
月明巢樹有雙鶴皎々飛清空何以宿塵俗望漢生

西行雜咀

卷一

十二

遠心棲枝寄芳躅豈無鸞鳳羣高蹈擇良木其二云
仙姿非凡品不向三鳥去來此五濁世依傍九重地
嘯月心自清御風跡頗異權借珠樹棲時待羽客至
六月酷熱異常友人約至臨潼避暑遊驪山宮友人
皆浴於華清池余獨不浴有感云熱極不浴溫泉水
軟弱肌膚無勁氣男兒生性立綱常豈爲炎涼頓改
易自從天寶除禁宮千年無有佳麗逢不經酷熱不
知冷何如坐待懷清風

宿臨潼旅邸見壁間有詠讀其句雄渾頗有奇氣應
亦隨扈賢豪者流而隱於下位不得伸其志氣特感
憤以出之者惜無名氏余愛其豪邁援筆錄之云腥

曠胡羯太猖狂敢取燕京作戰場千里龍飛天黯黑
百僚鳥散勢倉黃棘門灞上真兒戲渭水橋邊認帝
鄉寄語公卿休再睡恐無好夢續黃梁

八月二十四日

鸞輿回京同鄉友人隨扈還祖餞於灞陵道上余作
哀燕薊歌以送之云長安城頭烏夜啼故人隨扈到
遼西沙場欲飲匕不得對君當歌聲哀悽庚子畿內
起小醜紅巾一呼動山阜礮聲轟倒紫竹林飛騎踏
破大沽口燕山妖氛白日動遼水風起黃沙吼絕塞
腥臊不可聞窮巷雞犬恒無有永夜悲酸猩猩號拔
劍欲與蛟龍鬥天迴玉輦雲霧開仰見星斗臨江淮

西行雜咀

卷一

十三

海天鯨鯢不敢動塞上笳管猶悲哀關山草枯露白
骨海水血染流紅埃言之令人肝膽落天陰鬼哭神
慘摧君不見燕台爭鬥苦十人征戰九人死老者轉
壑壯者逃阿娘無兒姑無姊少婦琵琶幽怨聲將軍
戰袍血污紫古來朔漠愁更多白登陰山骨成坡年
年胡兒夜吹角蔓草縈魂涕滂沱而今邊患十倍慘
人生際斯當奈何灞橋煮酒送君去前途莫道庚子
事惹得燕薊散離人一夜枕邊枉流淚

居長安時深日久與傅仁山遊覽名區放懷山水觀
時局日非不覺心肝俱裂讀白香山秦中吟行文古
樸寄情幽遠余亦流覽效擢作十首以述懷其一云

秦中有高樓上有燕雀棲問是何時建鵝火流西陲
旁厦千百間圍繞城半池棟宇金碧輝欄干珠玉垂
一廊十萬貫十廊百萬資言爲官家帑同是民膏脂
回顧閭閻間窮巷茅檐茨安得牽蘿補亦無索絢期
願知田家苦夜半風雨時其二云龍渠一丈餘民力
百千工曲曲穿暗道悠悠通行宮盈七手掬月裊七
衣生風上池水飲白御園花落紅豈知心賞處悉是
血汗功郊原盡豐草山田生野桐願爲當道語盡力
溝洫中文王在靈沼歡樂樂民與同其三云太平日無
事築室又築宮營七百工肆不暇親兵農憚煩爲陶
冶尙技崇雕蟲精業犯神忌機巧奪天工玩物喪其

西行雜咀

卷一

十四

志考工明其衷借鑑乘軒鶴常哀中澤鴻何以禦外
侮何以使折衝一旦強寇至覆車前轍同其四云渡
頭夕陽滅行子望洋泣盈七一渠水招招無舟楫凝
冰凍且寒洪波深且濶大呼負者誰索錢動逾百望
望近岸家云是華貴宅車馬十萬錢良錦百千疋有
餘私營田終身不修德他日過別梁還受索者徧數
年富豪貧室是他人入兒孫過此渡無錢不得涉誰
舍乘輿濟惠與兒孫積其五云秦中有豺狼白晝食
人肉天寒遠山號日落當道宿瞋目視貪淋野心常
厭足豈無獵人懼借潛幽窟伏不敢嚙強梁惟期老
與弱關河關塞中身匿人不覺願君過此地毋使櫻

其毒其六云南山有鴻鵠奮飛負滄溟噉也入深谷
悠悠生遠心上絕九千里下離三五羣問鶴何飛去
此志在太清浮雲繞足亂宵月濛霧昏鼓風奮雙翼
去漢一萬程不啄我邦粟惟務物外情鶴兮鶴兮來
我與說冥也同此一覆載安可忘吾君其七云抱琴
倚南窗一曲常寄傲祇解弄古音不慣彈新調人諳
不識時我獨發一笑清風作和歌明月喜對照素絃
寫憂也白水歌浩也獨有野老至搏髀聲慳也云是
我知音同此白首皓他日過瓊樓齊和陽阿妙怪哉
今人彈盡是青年少其八云昨從商山來四皓有祠
廟摹碑讀其文言是漢所造四壁風蕭蕭環堵皆穴

西行雜咀

卷一

十五

竅日夕牛羊來夜闌星月照風雨顏色惟歲時香火
杏荆榛鎖空門渣滓塞前道古人重大老今人棄糞
草感此古今事偏也一笑倒其九云牡丹非俗品何
以置綠野雖云富貴花生長窮簷下繁英薰夕暉冷
艷度春夜賞奇妙幽人瞻顧無車馬王孫一携歸聲
稱十倍價日侍綺羅筵夜伴珊瑚架多少美麗姿不
堪華貴把莫嫌生樞微公卿出茅舍其十云太王居
邠時陶穴無家室鹿也三千年秦風尙古樸采茶作
羹飯攀蘿束衣服平林朝牧羊幽溪夕飲犢攜鋤入
花徑驅車轉林壑一味調雅情自是田家樂日有果
腹糧夜無逋負索不羨軒冕貴營營總勞碌寒風起

高谷長懷李二曲

長安城南二十里有牛頭寺下邳杜曲昔杜工部曾居此即昔之曲江也有清泉釀酒極佳寺中有杜公祠花木清美山水迴環多植牡丹遊人甚夥余同劉太守樹人劉茂才治安小憩其間見迴廊壁上有詩題者甚繁中有一律感慨悲歌余錄之云加幃新陰樹茂時去天尺五剩荒祠鶯花杜曲新修葺風月詩王舊主持西幸又逢天寶日東歸先寄草堂詩凋傷老輩留遺墨約畧屏間認故枝下書辛丑浣花散人題想亦蜀人隨扈者感慨而云然也

壬寅秋關同鄉曹魯生太守適河南識湘鄉吳東陽

西行雜記

卷一

十六

於邵子廟前卜肆中遂與歸陝留寓其家暇日仍於門首賣卜他日余過訪魯生客堂把話有一道士適來門首與吳東陽尙論義經講說皇極數理皆縹々入妙臨行題一律云熟讀義文一卷經天根月窟自然明洛陽幾次逢君面京兆而今壯我行卜肆好商來往事老身惟得坎離精茫茫世外尋佳會唱和應留去後情下書探極道人留題東陽細玩羽衣葛巾飄然而去余問門首人語聲與魯生並出視之徧尋不見讀其詩似邵子語洵異事也

南遊紀咏卷二

北山草堂詩記

蜀北射洪煥之楊昌邠學

光緒丙午夏余將之皖鄂諸友祖餞於長安市迴憶
居秦六載備嘗辛酸世味歷盡險阻艱難至此感憤
交集因作一律留別云壯心今作暮年遊烈士襟懷
尙未休劍氣直冲三島月扁舟尋徧五湖秋頻年忍
受王孫跨此際全拋季子裘長嘯一聲揮手去天涯
抵掌任悠悠

四月廿六日過岐山之美里村林園小憩嘉木葱龍
居民樸茂尙有古風摹讀汝字斷碣猶能識美里二
字想因西伯拘美里歸而名此今鄉人不識美字遂

南遊紀咏 卷二

訛爲有禮甚屬無謂余過此竊嘆西伯之聖而猶遭
此困阨良可慨已因作一律云美里羈囚百日身天
公何故厄斯人祇緣爻象書成易留補筮龜卜有神
境遇限人多不解文章傲命總非真聖如西伯猶遭
此千古英雄淚滿巾

廿七日宿底店阻雨次日過磻溪做子牙先生釣臺
有感云瀟灑風雨灑平川獨宿荒村夜不眠燕市誰
爲屠狗客磻溪空繫釣魚船飛熊有夢終難再鳴鳳
無聲去弗還渺茫荒臺何處是空餘明月照江邊
四月初一日迂道遊鳳翔同曹蜀尉覽東湖勝景林
泉小憩佳木葱籠烟雲花鳥靄然如畫不幾樂而忘

歸日夕返次蜀尉出錢維城先生山水一幅命題一
古云少小十五時摹寫喜弄筆及壯覽名山幽邃難
繪測遊遍藏衛間遠涉印度測關河益壯麗山水更
奇特於今二十年俯仰皆陳迹茲欲東南遊停驂問
江浙暮年烈士氣撼變風雲色行抵鳳岐間得觀維
城墨彷彿舊時遊盤紆猶曲折如登支莫山高比崑
崙矗如尋黃河源海星同拱北夢入溪山中奚啻安
樂國寸幅海天寬一覽乾坤袞君不見世事茫茫如
畫圖談兵亦皆紙上策何修得入此圖中身率妻子
躬耕安享雞犬桑麻樂何極

初六日踰鳳嶺登南天門炊煙匝地曉露沾衣一馬

南遊紀咏

卷二

二

一鞭如登碧落口占五律云清晨登鳳嶺舉步上南
天海國連雲起山光門日妍夢回千里月心繫萬家
煙不敢凌空望悠悠星斗懸

十五日行抵漢中與王少卿守戎張幼軒茂才遊並
得識面鄒石卿般少微謝健之相與把臂談心頗深
契洽留戀彌月愛不忍別贈少卿一古云訪友到漢
南落七殊寡合得識少卿面如夢忽初覺日遊漢臺
西夜同漢城宿漢上豈無人如君真絕俗相遇復相
離淚向英雄落

鄒石卿茂才情致甚殷贈別七律一首余步其原韻
四首以留別云高臥深憂棟折來將傾大厦賴羣材

縱教筆陣橫千里難使新車救一杯利國交征謀鐵
路復仇誰肯築金臺願君早出隆中裏莫遣三分局
又開其二云深憂時事嘆將來建國何無出世材改
學不成描虎畫變章有影落蛇杯城闔佻健矜三輔
院著鞦韆傍五臺且把將軍兒戲看棘門風氣又重
開其三云天府雄圖亘古來用人豈第楚多材揮戈
日短昏猶舞看劍心長夜引杯叩馬書生憂宋室渡
江豪傑吊蘇臺休將往事重提起徒使英雄淚眼開
其四云長歌一曲過江來焦尾桐音是美材易遣將
軍兵百萬難逢知己酒千杯前途誰是招賢館後院
將成避債台安得此行多際會長天揮手撥雲開

南遊紀咏

卷二

三

張幼軒茂才交久情深臨行祖餞並贈以敘言幼軒
石卿少微健之皆安陽人世居樸陰成博士弟子員
少卿守戎現任厚畛子于總鳳翔武舉五君皆一時
豪傑送余出南門余感其餞別情深留作七律四章
其一云時事紛更變舊章英雄失路隱安陽心驚北
塞邊風急情惹南江漢水長有著莫籌何處借請纓
無路去偏忙遙七數載尋知己一日欣逢五馬良其
二云聚時容易別時難把話中宵夜月寒失路關山
悲客遠不平時事覺心酸鯨鯢吼處風聲怯鴻雁噉
來國步艱可惜安陽羣學士却無三顧勸彈冠其三
云五夜聞雞起舞忙披襟檢點臬詩囊腰橫寶劍提

三尺手捲殘書束半裝兩管筆投秦塞黑百壺酒吸
楚江黃多情最是諸君子一飯王孫不敢忘其四云
明朝揮手各西東相會何年又識公夜雨芭蕉燈影
碧曉風楊柳落花紅三千客路愁征馬十二因緣憶
放翁此去江東未即返更於何處覓英雄

五月初十日宿黃官嶺沛然大雨終日滂沱四野桑
田頃刻變成滄海泉流咽急水吼如雷竊嘆天地變
更不時而人事推遷有數賦一絕云一天霪雨誤蒼
生萬里風波嘆不平眼看桑田滄海變狂瀾一倒有
誰撐

十二日適雲家河銀厰見礦質崢嶸銀苗暢茂泉石

南遊紀咏

卷一

四

古樸山水幽奇足見天地生物不測亦造化之無盡
藏也賦一律云片石玲瓏萃兩廊空庭爭徹月無光
四圍虛室渾生白百鍊精金不礙黃磊落此山誰買
得熙來何處客輸將鐘珠不盡泥沙取勝似人間富
貴場

銀厰遠僻山谷深林茂箐峻嶺崇峯而泉石幽閒巖
壑蒼翠頗有一般清趣十五夜值微雨新晴淡煙濃
抹一輪明月照徹空庭魯叔善同兄仲德及安次瑤
置酒前廳行歌互答劃然長嘯海天一空不覺放懷
於山巔水涯而竊嘆浮生歡會之不常再也因賦一
律以紀勝遊云瑩七光透水晶宮把酒狂吟夜月瓏

座上客皆羊叔子，蘆中人嘆伍胥翁。關山失路愁難越，萍水相知喜獨逢。世外徧尋佳會少，對君聊唱大江東。雲家河雲深山僻，谷浚巖幽連夜雨。瀆溪泉漲流賦五律云：一枕荒郊雨千巖，瀑布懸人來清澗底。家在白雲巔，樹杪飛泉急。峯腰門草妍，深山清夢斷。終夜不成眠。

六月朔久住雲家，河心煩慮亂怏怏，不樂。又值風滿雨晦，景物蒼涼，與嚴心齋談及時事，憤嫉酸心，不覺聞雞思起，拔劍長嘆。成七律寄仲德云：高卧深山遠俗塵，厭聞時事最酸辛。滔七流水思歸漢，烈七秋風不是秦。踐雨落花難復舊，如鈞夜月又更新。宵來怕

南遊紀咏

卷二

五

聽潮聲急莫遣閒愁問水濱

初三夜留滯雲家，河歸心甚切，夜不成眠，寂七宵深，風泉滿聽，晨起登黃官嶺，云：瀟七夜雨撼江聲，客憶瀟湘夢不成。雲鎖關山家萬里，煙迷洞口月三更。聽餘風鶴秋心怯，怕覩哀鴻海宇驚。蒿目不堪憑望遠，一聲羌笛促人行。

初四日偕張春煦、薄暮宿黃官嶺，旅次中夕陽西墜，景物鮮明。初五日遊江上，觀漲見茫七煙水遠，渡行人深厲淺，揭紛紛爭涉來。日送春煦云：昨夕江頭動客情，朝來明月送君行。君行我亦將行客，一夜潺湲夢不成。

二十五日獨宿黃官嶺心切南遊中懷怏怏適鮮文軒持張春煦贈余詩來讀之益增感慨余步其原韻和云昨夢江城訪石頭瀟湘風景不勝秋人心危似崩懷棟國病深於破釜舟夜雨悲天徒作客閒花落地亦生愁宵來展卷臨窻讀畫像圖摹想益州

二十六日同鮮文軒佐丞過新集魯叔善留宿其家適家中人由川至又作南遊之想仍用春煦韻述懷云寄迹天涯老白頭一肩行李幾春秋客心靜似山含玉世道浮於水泛舟兩眼懶觀中外事百杯消盡古今愁無端又動過征念覽遍江南十二州

二十七日晚眺河上見堤柳蒼七昏鴉亂噪適閱家

南遊紀咏

卷二

六

信覺人言嘖嘖憂讒畏譏不禁感世道之變而嘆知已之不常覩因咏昏鴉云沿堤綠柳集昏鴉竟夕紛紛噪水涯共覩青雲思北逐那堪紅日已西斜一聲嘈雜驚殘夢幾點精神鬥晚霞寄語八哥休再話暮煙千里傍誰家

三十日同魯季升晚遊江上新晴寫翠煖漲流丹旣雨初晴山光滿郭動南遊之思感而作江南行寄魯叔善云江水滔滔流不息遊遍江南復江北秋雨秋風滿漢城行子欲行行不得雨洒江頭日夕沉落花衰草正愁人遲七短棹歸何日迨七舟橫水泛津停舟不渡日已晚揮戈起舞行人遠劍氣冲霄星斗平

怒聲驚破紅巾膽，昂頭霄漢海天秋。海外風波不可遊，一掃纖塵揮日月，長空耿耿暮雲收。雲斂西山日無曜，獨坐江干懶垂釣，遙望江南月正明，不知何日來相照。可憐夜雨濺江聲，西風洲畔少人行。誰家玉笛高樓急吹動，南窻旅夢驚。夢回枕上日初曉，瑩七窻外催人早。焉得江東萬里雲，揚鞭飛上南安道。

七月初二同魯仲德遊立石寺石門前，另古徑蒼然，別有一重天地，把酒與仲德對飲，云人生行樂耳，相約石門遊。花徑通玄院，松陰入畫樓。客心千里迥，山色一庭秋。對飲邀僧話，孤雲檻外流。時仲德弟叔善留漢城未歸，座間思慕及之。云濺水下東隈，貓山繞

南遊紀咏

卷二

七

郭來路從青障入，花爲白頭開。立石重扃戶，墓碑半是苔。思君頻遠望，歸路尙徘徊。仲德之弟季升携酒同往，殷勤款洽，君家兄弟誠不可當。再咏云：乘興尋芳徑，通幽入佛堂。石門清露潤，花塢浚煙涼。紅日過，貓嶺青雲送雁行。君家好兄弟，相與樂徜徉。

初七日淹留新集，擬欲南行，魯仲德茂才贈詩六章，余感時局之變，更而和以原韻云：蒿目何堪再遠遊，深憂世道動心頭。欲籌四海安全策，未識君家箸借不其二。云：艷舞酣歌撼落霞，那堪新樂編中華。聞君一曲高山調，不過鍾期遇伯牙。其三云：一脛如腰痛，在心滔七不返藥。難尋前途縱有撐天手，未必能療

國病深其四云工藝咸教小子裁書齋冷落半青苔
當年蒼頡恒多事爲甚經營造字臺其五云海水滔
滔泛北流遼陽風雨不勝秋月明却被烏雲掩難掃
陰霾遍九州其六云感歎中宵興不眠挑燈借問夜
如何明朝萬里關山遠相會何年別恨多

余將南行仲德作送行詩四首有朝看江樹暮看雲
之句深情款洽意摯綿長令人欽羨余卽其原韻摺
別四章云世事茫茫日已紛何年始得際風雲倘教
喚起揮戈侶天下英雄屬使君其二云壯士揮鞭下
楚黃暮年猶自客他鄉天涯若得通消息讀罷音書
字句香其三云來朝揮手從茲去山自青青水自流

南遊紀咏

卷二

八

惟有天涯明月共思君一度一登樓其四云一別揚
帆入富春衡陽已見雁來賓那堪萬里論交日不及
長安多故人

十二日魯叔善出紙囑余題銀厰詩六章其一云山
嶽精英氣千秋化作煙金龍時起舞疑是玉堂仙此
咏礦山旺氣其二云陰陽鎔不化天地變爲爐浩七
經千載陶成萬斛珠此咏銷化礦汁其三云慧眼望
遙空清輝盈宇宙須臾返照光疑是金龍門此咏礦
山夕照其四云大化陶鎔久瑩瑩百千春天公留此
物特贈有緣人此咏礦汁其五云浩氣凌千古精英
貫百河潤添窮士少日傍善人多此咏礦洞流泉其

六云我亦素賔賤弗貪利與名愛他真品潔不慣守
方兄此欲行述懷也

鮮文軒佐丞與魯叔善紳董同開雲家河銀廠仲德
季升互相贊成洵一時盛舉也叔善索余詩鐫礦山
白石余賦七古云光緒御極多羣醜歲逢庚子

龍馭走西幸長安萬里遙回鸞又值歲辛丑從此國
無日夕安函夏石龔海鯨吼鴻雁哀嗷不可聞狐兔
同悲誰與守賠款纍七帑已空當道諸公齊俯首幸
有廉能鮮佐丞創開銀礦雲河口魯君叔善賢仲昇
突出一隻撐天手巨靈擘劃鬼神驚硬硬直剖山之
阜疏鑿利源府庫充國家倚賴如山斗我亦欣逢盛

南遊紀咏

卷二

九

蹟來過漢問奇還載酒遙七千載誰爲儔山嶽岡陵
永不朽焉得貞珉萬古存名與此壁傳之久

二十五日偕魯叔善由新集到漢城宿於府廟廿八
日陰雨連朝江河泛溢夜不能寐倚枕聽餘不覺心
情無限苦旅館益淒涼作苦雨行云秋雨苦濛濛行
人聽不歇一夜聲蕭蕭愁向玉階滴階頭夜雨空潺
湲那管天涯行路難行路難不妨舉步一躍上青天
縮教此理問羣仙羣仙有說我無說回首一望霧如
幄大地迷漫世界昏我不問天天亦哭吁嗟乎悠悠
世路太不平安能天意盡如人祁寒暑雨常咨怨天
地之大猶有恨君不見長波連七短波躍奔狂入海

自驅逐焉得中流一柱砥迴瀾天日重明誇補浴
二十九夜陰雨纏綿隣家簫聲淒切汎乎動人徙倚
空庭涼月無色忽聞九頭蟲鳥悲鳴空際一聲幽怨
那不關情爰筆咏七古云誰家咄七簫聲急吹徹長
空日無色夜闌不寐起徘徊空庭無月難舉杯忽聞
九頭鳥淒切攙雲表夜雨溟濛斷腸聲西風蕭蕭不
可聞驚徹九天九地人呼起一時爆發聲喧七轟雲裏
不見九重天只聞九頭蟲鳴嘈雜雲漢間雲漢悠上
何日曙盲風怪雨攢江霧今年夜雨漢江住明年夜
雨知何處人生到處無窮緣江南江北多青山一鳴
九皋三萬里飛出強秦百二關吁嗟乎月傍九霄光

南遊紀咏

卷二

十

不出九頭蟲叫聲如哭直欲伸手撥開雲霧見青天
斡旋日月乾坤歸掌握

八月初五日魯叔善鮮文軒餞飲漢城叔善爲余顧
余吉甫舟直達漢口余之皖叔善欲之秦作東西行
贈云漢山高七揮天碧漢水流波連天白却嫌山水
兩無情終日悠七送行客我將東下皖君欲西入秦
我掉舟搖七君駕車麟七揮手一去何時晤南船北
馬各分路回首漢南雲霧中渺七寒煙鎖江樹江頭
明月山中人夜泊秦淮夢裏身天公故遣酒仙飛度
我醉入長安市上訪長庚君入長安城我行南安道
天涯望君君不見望見長空明月一大笑七我白頭

鬚鬢向天末不識時務真勞碌高談六萬四千年眼中僅識南陽一諸葛君入長安城要識長安人長安市上多仙子天子大呼七不起悠悠忽忽幾千年至今猶眠酒家裏君不見高陽酒徒曾興漢設飲招人人不慣醉狂掀動漢高皇徹洗延坐重欽羨又不見蟠溪老叟白首皓終日江干苦垂釣獨坐獨行八十年春釣得周家天子親來到君向西我向東祝君雅度如歌風君登山我涉水相去遙七一萬里自古英雄四海可爲家何妨把借長空爲帷爾我同住此

十六日題余吉甫扇面係江西豐城人在漢城東關萬和興號業青器與叔善交好因識訂交伊有船至

南遊紀咏

卷二

十一

漢口載余遂繪漢中歸南昌圖並贈以五律云客自洪都至人因漢道逢豐城鄉思遠曲水夢魂通龍臥章江碧魚潛錦浪紅西湖明月好願借一帆風

二十日魯仲德來書問行期必親來漢城送余上舟余作書謝止並寄詩云自訟才荒陋虛糜百日餐對書多有愧問世却無官仗劍雄心起挑燈別淚乾謝君憑一紙留作故情看

余住漢城魯季升遠挈食品親紀餐飯禮厚情深再四挽轡余不得已期明年再遊新集書四幅屏以贈云驪歌初唱不堪聞契合難教手暫分秋水江頭方送我落花時節又逢君人生聚散環如月世道紛更

變若雲但願海天安靖久瓜期及後再追尋

二十二日東裝南行仲德季升及胥春洲送余上船
須臾王汀溪亦携禮至低徊留之良久余揖歸江頭
仲德季升徘徊難別夜宿不寐挑燈成一絕云秋江
江畔月如鉤曾送行人上小舟我揖君歸君望我轉
教一步一回頭舟行三日始達城固徘徊雲樹悵悵
關河道不啻三宿出畫寄仲德云招七舟子轉遲七
三宿何殊出畫時君不舍余七豈舍兩人別淚夜燈
知契合既久分袂良難遠道馳思何堪回首感懷不
置結念彌殷爰書五古寄魯仲德兄弟云五步一回
首十步一斷腸南遊豈憚苦道路阻且長欲留計不

南遊紀咏

卷二

十二

得欲行心復捨會當遠離別貧賤走倉皇舊劍不三
尺殘書惟半囊勞君遠來餞華筵羅酒漿當前百壺
進意氣慨以懷感謝三君子遠送臨漢江從此韓王
孫一飯未敢忘

二十六日舟行峽口得識田珍苗道學係山東人舟
中談及性理亦頗深純並出理數合解道脈純萃讀
畢爰擬七古以贈云道本先天一无通乾坤如幄無
不容歸仁天下豈有異千里一室有緣逢自昔羲皇
闡大易萬事萬物一已備本來有物不由人反身自
然得樂地竊怪時人誤認真居然別戶又分門遙七
千載尋不着豈知無物是元神物七交物神氣亂至

道不凝各分散怪七奇七浩七中學庸宗旨渾不見
我從少年企老大所行足跡半天下異言異法異書
文悠七斯世誰共話莫言世道無高人跬步之前有
席珍堪嘆靈苗田間置何年採取煉仙眞真人不出
蒼生苦忠臣孝子遭時侮長歎一聲貫斗牛怒氣直
冲三教主君不見三教聖人皆不言大道悉在不言
傳太極極時歸無極自然自在自己邊吁嗟乎我亦
反求求不得方着慕時旋又沒請君細說道根苗余
雖爲君執鞭所欣悅

二十七日舟次黃金峽鼈灘波濤洶湧陡如絕壁胥
有戒心口占一絕云一葉飄然下鼈灘輕舟已過膽

南遊紀咏

卷二

十三

猶寒洪濤自是驚人處穩着心頭仔細觀

九月初二日舟次興安府晤雷雨菴約遊香溪洞此
純陽祖師度郭尙灶處也郭公有酒肆祖師常飲此
旋以丹投井後遂成酒泉余仰企仙蹟載酒重尋芳
徑擬七古云郭公酒肆知何處我來不見酒仙住仙
人一去酒泉空落花滿地迷人路自從仙跡脫風塵
洞口伊誰再問津我今抱甕香溪裡招飲彷彿來仙
子白雲繚繞上天梯似醉洛陽橋邊呼不起香溪洞
郭公遊我到香溪不見郭公賣酒樓溪水悠七自流
去惟有清風明月伴我醉山頭

初四日舟曠蜀河已晚秉燭夜訪同鄉高季雲司馬

班荆道故竟夕言歡歸舟不昧成七古云興漢昔稱
古蜀國興安毗連吾蜀北蜀河水碧蜀山高遙望蜀
中人不得思蜀曾訪高司馬百丈層梯白雲下江頭
寂七落花輕夜漏無聲似有聲回船呼伴挑燈坐耿
耿不寐如有情我遊蜀河似在蜀千樹萬樹梅花落
一聲玉笛慨江流彷彿萬里橋邊夜雨西窗曾剪燭
初七日夜泊鄖陽云一帆風送下鄖陽萬里煙波過
眼忙舟子大呼船泊岸隔江明月上篷艙

初八日過均州遊滄浪亭宋陳世美讀書於此臺尚
存荒煙蔓草荆棘滿庭較吾邑伯玉書臺風景相隔
霄壤足見人之無良山水皆減色也賦一律云駙馬

南遊紀咏

卷二

十四

當年此讀書風煙萬古恨難除含顰不許東施效秉
筆難逃北宋誅宮闕已墟今不在荒臺無恙竟何如
只緣富貴成春夢應悔從前一念殊

有以地名成咏者初八日由大姑山江口至老河口
下通仙人渡古路磯茅草洲馬梁黑牛渡直達月湖
舟中偶成云放棹來江口登舟望月湖水從牛渡澗
山到馬梁無呼渡尋仙子停橈問大姑明朝登古路
秋草滿洲鋪

初九日夜泊老河口夕陽西墜微雨東來獨坐無聊
口占一絕云菊花時節下江南舟泊江中夜雨寒隔
岸人聲聽不歇遲七月影上欄干

重九日老河口菊花會賽人人遊洞賓樓登高余亦
呼侶隨往見江河浩渺市鎮博大洶水陸一大墨居
觀秋光明媚登樓有感云節屆重陽九月九萬里扁
舟泊河口蕭蕭風雨滿江城遊宴人人爭載酒停橈
我亦訪仙樓仙人不在江水流江水無情流不盡仙
人何處覓丹邱丹邱自是人間覓終日悠悠尋不得
我欲待公公不來落花芝草空留跡白雲一片覆江
濱西風古渡少遊人尋公不見我亦去樓影空過月
一輪

十一日逢母忌辰齋戒頂禮呂祖樓進香天涯萬里
遊子心悲思親遠望泣下潸然感而作七律云水木

南遊紀咏

卷二

十五

恩深不可忘那堪逢忌又重陽兩行秋雨思親淚萬
里關山望母鄉宰我青年終抱恨王修社日永悲傷
幾回盼斷天涯路哭對西風訴一場其二云世人每
道重陽樂我值重陽轉覺悲况是秋江爲客日又逢
佳節哭親時落花衰草添愁恨暮雨晨霜痛別離身
臥篷艙無限苦不堪回首望先慈

十三日泊仙人渡云不敢停橈問滔滔浪未休水聲
驚客夢雲影過仙洲此是登瀛處何須跨海求船疑
天上坐高駕渡人舟

十四日過古路磯舟停江中阻雨述懷云一天風雨
阻行舟萬里煙波總不休心繫南園憂世變身依北

斗概江流屈信有路求秦楚伯仲無人見呂周宇宙
徧尋天下士悠悠塵外一昂頭

十六日過襄陽樊城向東津灣遙望峴山高聳古碣
蒼然停橈問訊深林挺翠泉石幽閒洵古人隱逸地
也觀此有感云打槳向東津回棹思羊叔襄陽多高
人欲訪七不着狂呼米老顛老顛亦不說翹然望峴
山峴山雲漠七不見古人來秋風滿林箔深林多隱
約高人應再出滿徑落花飛疑是神仙窟

十七日過鹿鳴山孟浩然夜歸鹿門處也有感云我
到鹿鳴山不見鹿鳴處鹿是何年鳴鹿自何年去鳴
鹿一去今已矣空有白雲飛滿此山路我遊鹿鳴來

南遊紀咏

卷一

十六

不見鹿門開鹿門有高士何不使我一往相徘徊古
人不可見但見樵夫牧子嘔吟山水亦壯哉鹿鳴山
鹿誰逐中原無人我無術一聲長歎海天秋不禁浩
氣縱橫驅馬出

老營下卽烏江渡考烏江在太平府對江何此地亦
名烏江也懷項羽云楚漢兩紛爭霸王蓋世傑月下
弄簫聲江東王氣歇壯士偪烏江烏騅亦不力不見
烏江人猶見烏江月渡口夕陽紅不減英雄色

十八日泊小河溯源而上卽南陽府漢武侯隆中也
余感中原之多變不禁觸目興懷作隆中行云迢七
望南陽渺七睇西蜀西蜀不可見南陽宛在目一路

風高太古樸彷彿武陵漁人舍船入翹然如覩漢魏
人偶逢高士問先生先生何處是惟有一輪明月照
乾坤莽蕩乾坤明月古當日先生草廬觀草廬事業
不可追明月悠悠過南浦蕭疎南浦不勝秋蒿目中
原萬古愁先生不再出中原如夢誰先覺值茲大厦
未傾時何不再請先生支一木吁嗟乎先生今不存
誰是先生是後身隆中多少英雄淚使我洒編天涯
僕僕慨風塵

十九日次安陸府明嘉靖幼封郡也夜宿感懷云落
日停舟急秋風送客忙滿船明月重萬里綠波長旅
枕多鄉思濤聲動別腸故園今夜吹夢到瀟湘

南遊紀咏

卷二

十七

二十日抵馬梁至此無山一派大澤迷漫湖天相接
船行鏡面飄然如憑虛御風而不知其所往過此即
清風堤南通雲夢舟中成五律云山入平蕪滅江流
大陸迷水迴天際闊月落岸邊低好夢通雲澤清風
過柳堤一聲聽欵乃舟泊馬梁西

二十一日過清風堤至此無灘水深江濶可放夜船
成一絕云片帆颺轉蚌湖磯借得清風過此堤一夜
濤聲關不住輕舟飛渡漢江西

廿二日泊黑牛渡下流一村市洵之野老曰名魚泛
紅龍堤一帶居人每終夜傍此撈魚地也問氏則曰
姓杜號鵲亭天門縣學士也余咏一律云牛渡秋風

急飄七送客船龍吟江底月魚泛水中天野老桑麻
話漁翁昔替眠悠七誰是伴湖海一鳴鶻

二十三日過仙桃鎮云仙桃鎮上訪仙人我亦停舟
聞水濱紅日照開花世界青江隔斷俗埃塵清風明
月爲同侶琅苑蓬壺作比隣莫遣東方偷竊去羣英
會起有餘春

仙桃鎮訪桃花源洵之漁父云南岸長堤口有路可
通洞庭西沿沅江上有小溪卽武陵桃花源當季秋
之日作桃源行云渺七桃源何處尋扁舟偶泊武陵
濱西風不泛桃花水焉得漁郎再問津漁郎遙指白
雲處不見桃花見雲路秋來紅葉滿青溪渡口空有

南遊紀咏

卷二

十八

桃花樹桃葉渡頭春復秋悠七江水自東流不知花
發幾時落不知花落幾時休宇宙茫茫七更幾度桃花
開放仍如故我來不見洞中人空有江邊一漁父沿
溪得路尋洞口彷彿有光通一縷居然漢代古衣冠
猶是秦人黃髮叟吁嗟乎秦漢遙七歲幾千物換星
移不計年胡爲乎春風不減舊時色桃花依舊發溪
邊君不見五柳先生嘗卜宅妙寫武陵源裏真奇絕
惹得千古好遊人日對桃花流水尋仙跡

二十四日船至繫馬口登岸遠眺平湖迤邐澤國寬
廣居人多在中沚村舍悉水圍月朗風清滔滔泛宅
家浮水面人其魚乎感而作五律云澤國秋風老平

湖萬里通爲魚鱗野老繫馬問仙童彼岸流居下人家宛在中夜深江月白疑是水晶宮

二十五日舟至涇口夜行過月湖云涇口西江夜扁舟泛月湖夢魂千里渺漁火一燈孤栖鵲巢安在魚龍睡也無明朝登赤壁載酒訪髯蘇

二十六日抵漢口登岸觀市鎮之繁富與亭臺樓閣之壯麗洵爲東南一大觀及謁武聖廟慨然有感云人生幾何時來日無多得忽忽數十年悠悠一過客何不秉燭遊虛度實可惜行徧江漢間氣壯山河色縱橫歷荆襄慷慨吞吳越使我思古人遙憶三國威攝華夏瞞心凜春秋册浩氣凌太虛精忠冲日月

南遊紀咏

卷二

十九

萬古稱聖人生民賴立極我之楚北遊拜倒斯人泣蒿目慨中原滿腔熱血滴倘借手中刀誅盡人寰賊
二十七日乘小舴過武昌省垣宿鴻安棧次日登黃鶴樓作黃鶴歌云黃鶴樓頭日已西我來不見黃鶴樓鶴是何年飛度去鶴又何年飛到此樓寓我今待鶴不歸鶴不待我各自飛鶴兮鶴兮何所依東海不可集西山無蕨薇南陽廬已空北渭釣不垂胡不與我相追隨重待風雲際會應有期振翮九霄紅日近飛過大江東去再鳴啼黃鶴黃鶴止誰屋黃鶴不來我不出鶴歸來兮山之麓翺翔雲表於何宿飄飄萬里樓中人待汝月明相與同飲咏

十月初一日呼伴往遊赤壁觀山色蒼茫江湖浩渺
慨然想見古之豪傑逞一世之雄而今安在俯仰興
懷歌云赤壁水滔滔奔莽歸大海赤壁山蒼七迢遶
歷千載千載猶有赤血流不知當年一戰人安在我
遊赤壁下赤壁見我愁我登赤壁山赤壁當我頭赤
壁千千年不改色東吳霸業一旦成荒邱吁嗟乎世
事茫茫不可測天心有意分三國周郎若不得東風
焉能一炬成功誇大業君不見神妙莫測武鄉侯情
焉安坐得荊州中原鼎足於斯定重使漢家天下復
歸劉

初三日過漢口見味西先生值先生署江西按察使

南遊紀咏

卷二

二十

方交卸來漢師弟歡敘半日愛不忍離命移寓漢同
住順昌公司語及時事尤深憤懣作五律云十年離
索意相見恨何遲感慨新章約重摩舊雨詩緣從千
里結遇證幾生知且喜臨江漢春風化及時

初八日遊漢陽聞鸚鵡洲在上遊涉江憑吊禰衡云
鸚鵡洲前秋月白衰草落花相對泣如何天不愛斯
文一個禰衡容不得禰衡曾作鸚鵡賦鸚鵡如衡傍
人戶遙七萬里總羈身渺七天涯不知路天涯迤邐
誰是親蘆花愁殺渡江人江水有情流不去荒洲如
故怨難伸吁嗟乎萬里拋家離故土可憐正士遭時
侮悠悠千載恨難平惹得鸚鵡年年詈罵曹魏武

古今所傳之詩多出於窮人之詞何以言之蓋士之
蘊所有而不得施於世多自放於山巔水涯以發其
憂思感憤之鬱斯愈窮則愈工耳余契弟葉飛卿壯
士也厄於遇困於時而尤工於詩分袂十年卒然相
遇於武昌道故終日各相浩歎爰贈以五律云剪燭
吟長夜高歌唱大風問年猶未老憂世却無功笑我
詩何拙憐君遇不通天將求世治何故厄英雄

味西先生約遊九華山晚宿順昌公司晤馮質卿茂
才頗深契合讜論時事各相浩歎晨起當窻見輪船
匝地煙霧迷天艷舞酣歌鬱七愁聽賦一律云樹杪
噪寒鴉人聲雜水涯日從江底出山到岸邊斜殘雪

南遊紀咏

卷二

廿一

侵朝夢飛花鬧午衙亂煙迷世界愁啟碧窻紗

十五日追隨味西先生下九江輪船侍從終夜譚學
師弟離索十載一朝親炙不覺五更將盡樂竟忘疲
賦一律云燭影沒遙空深宵夜月隴十年言不盡千
里喜相逢道契花飛白心通雨化紅春風今又坐樂
聚一輪中

十六日至九江府宿味西先生公館九江卽柴桑郡
昔周瑜所居也感懷云公瑾奇才學不馴君臣大義
未分明蒼天尙有安劉意傑士何無討賊情漢逆不
除生亦愧荊州苦索死胡榮柴桑往吊猶含恨竊怪
英雄枉用兵

九江下卽潯陽江白香山送客作琵琶行處也余往
遊有感云潯陽江頭秋瑟七潯陽江口流波白我來
楓葉滿江紅不見江州司馬客司馬昔居潯陽城潯
陽無有絲竹聲空餘明月江邊照泉聲幽咽難爲聽
流泉杳七歷今古明月不來誰是主焉得琵琶此再
彈消我胸中抑塞磊落之行無限苦吁嗟乎我亦天
涯作客人悠悠世路杳憂深欲借琵琶彈一曲訴盡
我平生幽怨唱罷高山流水契知音

二十一日從味西先生遊九華輪泊大通二十三日
入山途遇般禮和尚引道黃昏始至宿旃檀林二十
四日晨禮地藏塔般禮導遊眾刹觀接引鐵佛遊祇

南遊紀咏

卷二

廿二

圓寺通慧菴及化城寺觀地藏玉印觀月池銅塔二
十五登天臺怪石森然煙雲萬狀觀音石聚猿峯奇
妙莫測真絕境也師命訪韓文作兩山行以紀勝遊
云平生喜歷名山多鼓柝萬里愁江河輪泊大通入
深谷突兀兩峯如岷峩偶逢僧衲導前路松柏一徑
攀薛蘿云是九華雲霧裏黃昏莫辨山峻嵯須臾到
寺眾僧出入剎靜話參頭陀夜闌人倦拂榻卧明月
落入摩訶晨登危塔禮地藏高臨萬壑如星羅金
剛環立露華确奇石壁峭肖章馱噴雲吐雨鬼神動
使我倒拜忘娑婆卓午僧導遊眾剎接引祇園禮檀
那化城玉印摩可讀經樓藏典觀無訛老樹交柯如

虹虬銅塔古鏤鐫蚪蚪幽栖隱逸滿林壑月池摩空
來素娥粉壁丹墻搖光彩倚據星宿流金坡憶昔太
白與陽明兩人先後此切磋剗苔剔蘚結書屋對月
酌酒屢吟哦於今碑碣已殘缺誰復拍掌爲摩挲路
逢樵者問絕頂言有天台甚委佗次日約登造其極
俯瞰眾壑齊奔波深崖刻駭走猿猱大石斫斷猶蛟
鼉雙燭排立挿天際觀音懸空朝釋迦盤松怪石鬼
物守雷兩驚壁龍騰梭將軍崖立羣魔伏倒挿石戟
揮天戈天路幽顯至者少危梯萬級足蹉跎如此登
臨世所罕歸去日暖尤風和安得世間無巉巖雲山
萬點平不頗遨遊雖趁強有力人生壯日能幾何

南遊紀咏

卷一

廿三

味西先生登九華天台興頗清爽與余賦詩紀勝以
誌雪泥鴻爪之意先生作二律云九華高萬仞一塔
已千秋草木皆仙種峯巒盡佛頭梵音喧暗谷燈火
徹僧樓時節因緣好天清雲霧收其二云更上天台
去天台道到天路從青靄入崖向碧空懸怪石皆殊
相蒼松不計年鍾鳴山已暝還寢夢金仙余卽原韻
和云危塔凌空起憑臨萬古秋塵中高插足天外一
昂頭俯視三千界遙觀十二樓縱橫空宇宙眼底眾
山收其二云高出羣峯上華巔不見秋佛名金地藏
山似石陀頭大定荒無寺藏經代有樓詩亭何日就
風月一囊收先生捐銀於九華建一詩亭尙未歲事

其三云天台不遠直上九重天
揮足南端近當頭
北斗懸奇峯三萬頃
怪石幾千年
放眼憑虛望
飄七我欲仙
其四云舉步登臨望台高
欲上天猿頭
爭岸立鷹鼻
向崖懸燭炬
調何日
經多拜有年
長生如可學
要見洞中仙
長生洞上卽拜經台
天台絕頂一大寺觀也

九華山地藏塔神爲金地藏
非目連尊者考九華志
有新羅國王子姓金氏
自東國來山出家成佛卽此
神余咏五古云不知金地藏
名自何年始
歷劫以何修而證上乘
理非是人非人新羅一王子
飄七萬里來
飛錫九華止
食霧並餐霞
化作曇雲紫
正法繼雙

南遊紀咏

卷二

廿四

樹禪宗參一指莫道色異空何分
彼與此從師入此山如遊舍衛
裡願學佛者來我是如來弟

九華昔名九子山
唐李太白讀書於此
更名九華上有書台
余懷古云九華之山曰九子
九華之名太白始太白一去
九華空上有書臺何年起書
臺遺跡林莽中
萋七芳草夕陽紅
滿園花落無人見
惟有蒼苔一徑通
風流人往今已矣
我來空見書臺址
荒山猶留詞客名
興廢古今類如此
吁嘻乎清隱幽棲
陽明書室多少成
荒坵惟餘化城寺
裏藏經樓
天公不欲斯文墜
使我得與先生年年載酒
此山遊

天台高過九華萬仞危梯陡峻不易攀
躋余同味西

先生登天台絕頂云我陟九華巔上有天台山天台
不可攀石笋參差揮雲間我登天台岫眼底羅列宿
壘七萬山皆俯就大者如拳小如豆羣峯圍繞若苑
囿絕頂一柱參天秀雙燭夾柱分左右深崖絕壑龍
蛇守長嘯一聲驚宇宙風雲變態鬼神走吁嘻乎誰
謂天台山高峻不可攀弩力一躍直上九重關咫尺
之間仰天顏手摘星斗瞰百蠻長與蓬萊飛仙相往
還天台山人非人間危乎高哉更比蜀道難歷盡人間
巖嶮路方識如來自在緣

二十七日返大通輪船歸九江過彭澤縣訪陶淵明
故里云水曲山盤一道通沿溪問柳訪陶公百年誰

南遊紀咏

卷二

廿五

識高人面三徑猶留隱士風菊圃已荒秋草白桃源
空有落花紅惟餘彭澤江頭月萬古清輝照碧空

彭澤江中有小姑山屹然獨峙上即彭郎磯有感云
江中瞰小姑江上望彭澤笑彼本無郎彭郎何在側
回頭問小姑小姑情默默由來造物奇陰陽不獨立
曠觀宇宙間誰是無夫婿

過湖口懸望石鍾山東坡送長子邁過湖口觀石鍾
作記處也余亦尋古迹往遊述懷云遙望石鍾山石
鍾在何處舟行兩山間恍惚不知路嘈呖聲如雷欸
坎響徹樹古人不余欺使我得一顧客船夜半聽疑
是寒山住飄七萬里來行歌相答互一曲流水情日

向知音訴

二十八日歸九江余同味西先生輪泊總局陳大令
薄欣然接見雅慕遊覽之勝並閱遊覽詩草恍然如
觀山水之奇陳贈味西先生七古云君不見羊祜名
成峴首碑登臨尤繫後人思又不見謝安好着東山
屐物外逍遙求自適都從富貴覓帝鄉詎比巢由孰
泉石偉人今有亞夫才大雲出岫森風雷本是玉堂
舊仙吏塵凡小摘下蓬萊憶昔絃歌化巴蜀烏道蠶
叢難躑躅早將邱壑富羅胸尤愛煙霞生繞足自從
陳臬洎南昌尋幽無暇探羊腸去年更權度支稅流
探九派及三湘豈無匡廬與衡嶽足寬眼界開知覺

南遊紀咏

卷二

廿六

馳驅未得掛笏閒惟鼓長江往來棹五湖煙景縱窮
搜幾時負却名山遊悠然忽動登高興塵纓解脫澆
滄流顯華軒冕置不顧買舟暫返故鄉路青陽勝景
聳九華踏破芒屨入煙霧振衣長嘯層巒巔煩襟擲
盡俗情蠲遍捫詩碣尋杜牧高士書臺吊謫仙山有
引人入勝處日涉何曾飽餽飯爲愛天台別有天移
筇更向天台去天台去天台古亦比桃源霞標五色赤城屯
幾樹桑麻成樂園數聲雞犬無塵喧公門不少佳桃
李偕遊喜挈楊萬里恰似樊遲從舞雩還疑劉阮同
繼起奇句每由奇境生霓裳曲奏合鸞笙羅隱諸詩
難鼎立孫綽一賦教無名不才羈困風塵吏住近滄

江低濕地愧聞宵鼓響樵樓莫共鳴鍾聽山寺
十一月初五從味西先復到漢口命余歸興安採辦
石棉礦務事忽聞贛湘警報萍鄉瀏陽平江等地匪
徒數千人蹂躪各境調江南兵由九江進剿觀此軍
聲大震又覺動無限憂思作五律云萬里泛行舟滔
七水北流煙塵三徑黯烽火滿江愁劍氣騰邊塞刁
聲動戍樓歸帆方欲掛又觸杞人憂

二十五日舟廻清風堤匪徒蠢動四郊多盜白日持
刃估擄民女夜則縱火劫搶民不安堵夜不成眠聊
作七古云清風堤草萋萋雁南飛烏夜啼茫茫迴野
無人居四方羣盜聚如蟻狼奔豕突江之湄村墟連

南遊紀咏

卷二

廿七

逃材婦走西家劫掠東家擄深宵野火燄滔天更鬧
礮聲轟澤口勞人夜泊五更愁但聞風聲鶴淚鳴啾
上楚馬含悲征戍泣金鐵鏗錚如赴敵江漢狂呼士
卒忙瀏陽昨夜軍書急塞外草枯邊地寒寥寥清夜
未成眠蚊蠆初動鳴長夜鴻雁哀嗷近曙天壯士長
途深嘆息國家不幸遭狂逆小者竊鉤大竊國外盜
內盜一齊出嗟七萬里未歸人獨倚中天皎皎一輪
月

十二月十七日舟泊老河口五日留滯未發登岸書
聯贈友懷慶張奇峯登曉覽余書大喜遂結文字交
着伊甥王生侍從得遇良朋而又感時事多變興懷

俯仰不盡愁思五日將行遂題此七律以寫胸中抑鬱云滄江迤邐一孤舟渺七煙波向北流萬里長天醒客夢十年征戍動邊愁春風轉瞬來河口世事奚容記筆頭五日喜逢京兆尹却將文字結同儔周味西先生委余辦理興安石棉礦務舟廻河口流連旬日書聯每日無暇二十二日將行張奇峯祖餞於四美福號送余登舟作別寄懷云搖七江上舟皎皎江邊月月出照人離舟行載入別悠悠萬里心欲歸歸不得莫作流水情朝朝送行客

二十三夜宿江口舟子報到明日立春值此歲盡年殘尙作江湖之客更闌夜靜莫勝感慨之情與興國

南遊紀咏

卷二

廿八

黃平石太學酌酒吟詩舟中遣興云不到曉鐘不是春好將吟興寄江濱一年最是今宵少三徑猶留夜月新酌酒喜邀黃髮叟看花怕對白頭人眼觀歲臘無多刻尙是江湖託此身

二十五日次均州謝靜菴善士恩化自武當山紫霄宮來逢人說頂有謝章六宏茂馬蘧仙自得聞余書名託伊索書邀宿其家並約宴滄浪亭云紫霄宮殿月蒼蒼仙吏鸞飛下玉堂使者樂稱蘧伯玉客來問訊米元章春風靜雅輝文苑夜色空濛覆武當且喜東山邀着屐一江明月過滄浪

丁未元旦次鄖陽府晨起瑞雪滿天人樂新歲我感

年華成一律云歲去年來來去忙韶光倏忽到鄖陽
尋春喜見花飛雪覽鬢何堪草是霜歲月催人容易
老江湖作客意偏長新詩莫寫家園事恐觸天涯萬
里腸

初九日舟次白河偕黃平石太學登岸訪友值柯永
芝乞書屏對留宴其家次日黃平石約至月兒潭宿
伊姪紹先家亦書屏對並晤蔡範九文學但覺新歲
無多事心情淡若春七律云淺蕩春風漾白河韶華
不覺又初過環山帶笑迎黃石玉樹交柯接碧蘿人
到異鄉家事少客逢新歲故情多看夜月潭猶靜
歡會浮生夢幾何

南遊紀咏

卷二

廿九

十九日至興安味西先生委採石棉不覺景物翻新
而人事推遷韶光易逝如斯也覩歲月如流時局屢
變感云奉命走南安卹命歸漢北去來數千里轉瞬
春風及春風何匆七國事何岌七覩此石棉開回顧
鬢絲白功名尙未成悠七勞歲月

味西先生兩廣總督周玉帥太夫子之次子也欲採
石棉作軍裝石棉能織成衣垢以火澣之足見天地
無盡藏亦避火攻之一助也賦五古云不信石開花
棉從何處產輕軟似羊裘絨纒同蠶繭質頗類金精
衣能使火澣天地果無私與人共飽煖同此浩浩中
强者弱所轉所以柔勝剛物窮終必返

二月廿日由興安歸里至老樹嘴遇大雪宿黑壩李
召南家此壩多花栗樹林木陰黑故名作一律云爲
御師命走安陽萬里征鞍轉故鄉風雨一簾驚客夢
煙雲四壁促歸裝遙山帶雪頭皆白老樹經春色更
蒼獨宿黑壩花栗晚紛七蜂蝶過隣牆

南遊紀咏

卷二

三十

南遊續集卷三

北山草堂詩記

蜀北射洪煥之楊昌邠學

光緒丁未暮春余自皖鄂旋歸北山僕僕道途悠
萬里言旋之日適及瓜期感歲序之如馳嘆韶華之
易逝不覺桃紅似錦又見花飛未幾復欲南遊何時
勢之逼人如斯也爰作飛花七律云生長南陽隱士
家幾回搖落到天涯爲尋芳徑辭幽谷每懸斜陽點
碧紗撲去有心黏客屐飛來無意上征車飄飄不肯
隨風舞細認桃園傍紫霞

余居北山重修靈寶寺中建一亭名靈虛亭作歸休
間散處也下臨清流兩岸綠楊數十株圍繞亭外當

南遊續集

卷三

孟夏之初楊花飛舞不啻玉雪飄搖徙倚孤亭顧而
樂之作七律云獨坐孤亭露未乾楊花撲面上幽欄
愛他冉冉風隨舞何異飄飄雪不寒白屋逍遙真自
在朱門眷戀待誰看莫教飛上琴台去一曲驪歌未
忍彈

四月十二日東裝又復南行至長安適值魯叔善自
漢中千里來訪談及伊弟季升病血余憫其來之遠
而又深感其情意之長也故不辭千里約再遊漢上
往爲療治五月初八日出長安十七日過紫柏山訪
養癡道者不遇十八日遇於留壩見其仙容渺已玉
骨珊珊不履不衫如癡如夢真山中高隱也余贈以

條幅題云癡不癡呆不呆養成一個大自在有形終
壞何如不識不知清空一派這纔奇怪人說是癡呆
我見是性天中一場大快妙哉妙哉髣髴在極樂世
界

五月二十二日至漢中新集魯叔善之四弟季升於
初八日已溘逝矣青年沒志情實可傷况值乃翁衰
老未嘗不愛憐少子余惜其英雋有才齋志以沒並
唁乃翁云我來千里爲君忙君去匆上我若狂白髮
應憐顏路哭青年竟作伯魚殤方將屈指求秦路頓
使揮戈失魯陽可惜一腔忠義血不曾噴灑在沙塲
其二云閒坐悲君去太嗟愛憐應屬丈夫多倚閭日

南遊續集

卷二

二

灑佳兒淚疾常懷季子疇公瑾有才良不永顏回
無命又如何乃翁勸君莫學西河哭兒女分明是折磨

六月十八日至興安流連旬日閱時務報一腔憤懣
夜不能眠卽劉耀竹原韻述懷云抱道山林數千秋
不忘天下爲周游飛花亂舞愁春盡好鳥糊言喚友
儔難挽世風憂社稷不堪人事傲王侯躬耕未得驅
馳便展卷西窗笑倚樓

七月初八日至老河口訪李笑山祖塔於文光堂兼
過訪伊叔午峯因得識李鏡齋姚槐軒胡蘭香陳篔
孫楊笑山於同德善堂七君皆道學中之信善人也
余景仰之作七律以合贈云高懸明鏡照同堂坐對

心齋兩共忘花發三春桃李笑槐當午夢蕙蘭香竹
林舊是龍孫種楊柳偏爲燕子忙看徧老河今古月
乾坤到處是雲鄉

八月初一日宿黑牛渡曾記去年過此有天門縣杜
鵬亭學士於寺中教讀相與把臂談心不愧一時豪
士復過訪不遇遂逢其弟杜雲鵠詢之曰昨已歸天
門矣余徘徊道左惆悵河濱作杜鵬歌以遣興云去
年過此渡杜鵬枝上住今日渡頭西不見杜鵬啼杜
鵬一去天門遠江水隨鵬流不返惟有黃鶯枝上鳴
似喚我隨江水轉水國悠七道阻長明朝飛過漢陽
江願爾邀來杜鵬鳥湖天萬里好翱翔

南遊續集

卷二

三

初二日次仙桃鎮舟中靜臥夢復遊九華天台二山
景色幽邃烟雲怪狀變幻莫測覺與去年同味西師
所遊境界殊不相類醒時猶一一記憶竊見蘇東坡
先生兩遊赤壁古人之於勝境洵寤寐不忘也因作
後遊九華天台兩山行云纖月倒影河在天水風激
七波生瀾舟子不渡傍崖宿沙平浪靜更已發夜久
挑燈伴我臥雲時飛渡蒼崖巔清月照耀水天碧如
入雲幙乘朱鸞須臾魄動起登岸山水細認崖巒間
盤松大石壓溪澗熊咆龍吟何森然復登九華最高
頂松柏排面星月闌禪堂寂七花木靜四顧寥泱空
生煙峯迷谷變路不定倚石傍壑身倒懸劃然長嘯

山谷應劈開洞府疑飛仙雲霞微芒火明滅若有人
兮相往還蒼龍吹篋虎鼓瑟魂悸心動仰長歎忽乘
雲車馭風馬可以橫絕天台邊排雲撥霧眾真下戲
豹舞罷如弄丸遙聞霓裳絳雲裏隱約仙子臨風前
手攀蛟龍作藜杖身騎白鹿下碧巒腳踏星斗挽造
化俯瞰青冥何浩瀚行行不似人間境方欲駕鶴空
中旋一聲弇笥萬山動風起水湧天欲翻驚寤開戶
不見處明月皎潔臨江寒人生歡樂類如此歸乎吾
意其將安

初四日過蔡甸城頭山遇大風舟不能進夜宿江心
作云城頭山上大風起吹折城頭牛江水江水茫茫

南遊續集

卷三

四

雲霧飛一夜扁舟宿蘆葦獨宿江頭夜不眠仰見星
斗落江寒魚龍潛飛天欲曙山水倒壓舟下灘悠悠
江水送舟去回首不見城頭霧始知時光過眼忙青
年轉瞬白頭度

十五日至九江味西師尚在揚州宿公館靜候回示
作家信歸教特子以學書後便示五古云青春不再
來白髮每偈催願爾特子輩讀書宜及時少小不勤
學老大將何爲吾家龜山子可爲萬世師十五潛經
學二十解禮儀樞衣程門立求道雪不知吾家愧菴
子爲道走關西二曲稱佳客相與證其微吾祖有夢
明論著養心遺吾祖有濟川求仁吐心辭鏡齋亦純

粹正道存幾希家學不可廢前型念在茲爾當靜心
悟不可離須臾譬如饑思食亦如寒思衣心害獨不
知豈不爲人嗤望道毋謂遠跬步卽見之倫常用
閒要貴力行持貧賤不爲憂富貴豈所思姬公奏艱
食何必定飽肥艱難思稼穡勿畏足胼胝此中有真
味毋以世俗移正心行道去韋布勝朝褱我雖就衰
老不憚千里馳爲尋道脈計豈爲干祿施春風白屋
中侍坐甚熙熙文王是我師周公豈我欺有得卽誨
爾諄七告戒垂末季尙曲學流蔽術多歧少年一失
足此恨千古貽爾聽祖考訓世代有光輝力闢安石
論字字是珠璣奏效嚴嵩本剛毅塞太虛感歎古今

南遊續集

卷二

五

事使我心骨摧嗟哉吾老矣所望有後裔壯圖當自
強至寶在鄒尼喜爾有慧心七歲能賦詩至今將弱
冠豈不如童孺爲仁實由已外物勿自迷靜坐觀心
處未發是天機果能此深造卽是入道基相隔千萬
里何殊一庭趨飛鴻遞書至日望予所企

九江住久身倦步出東門閒遊歸來經過試院滿目
蒼涼庭廡荆棘已改作步軍操塲矣繞道黃菊正開
余咏黃菊花詩云試銷蒼涼徑已荒歸來身惹菊花
香怪他滿院黃金甲要借秋風作戰場

久臥潯江身體煩倦閒遊江邊見陝西提學使劉歸
來曾記去冬余從味西師過漢口與之同舟伊方到

任何未及瓜期卽已罷歸富貴浮雲洵轉瞬間耳步
轉公館午夢醒餘有感云枕上公侯四十年醒來身
尙臥邯鄲世間富貴諸如此不若酣眠夢裡看
十月初八日偕彭星台湯篤生從味西師宴方子書
家後園湖樓宴罷駕舟乘月遊湖而歸適值湖燈大
放沿堤光爛水天一碧星斗皆紅洵勝覽也爰作一
古寄彭星台云清月照水湖無波秋空生煙霜落河
更闌宴罷下高閣俯見湖底星斗羅燈光流紅水天
碧堤柳掩映相婀娜匡廬飛霞香爐紫山水倒壓堪
攀摩冷露橫江鬚眉白仰見明月皆高歌古人秉燭
蓋有以爛熳不及湖光多如此幽賞絕世少無詠將

南遊續集

卷二

六

奈良夜何人生及茲須行樂時乎轉瞬皓首過宇宙
俯仰一大快何必千古名不磨

冬月初二日聞周太師母訃十四日赴揚州弔孝日
暮抵江都見沿堤衰柳景物凄然感懷隋故事云隋
堤煙柳晚飛霞風景凄已暮鴉滿地香銷金粉碎
一庭月落玉鉤斜衣冠久已誇新第人事何堪憶舊
家應笑昔年歌舞地夢魂猶戀後庭花

戊申元日還住九江味西師全家在揚州彭星台教
讀亦歸慄陽公館中僅湯篤生陳子喬二人甚是寂
寥晨起試筆云拈筆何堪紀戊申孤蹤萬里未歸秦
感時不覺年將老作客渾忘歲是春酌酒欣逢元旦

日思家愁對異鄉人
援琴一譜江南曲
聊慰天涯寂寞身

正月初八日味西師回九江同行下安慶十七日復到建德看山同地師宋思范一路尋龍至秧田坂二月十五日登獅古塔二十日登龍腦尖得地數處思范欲歸桐城遊唐山寺見溪澗有浮萍感而作留別一首贈余余卽其原韻和之云萬里相逢的似萍飄搖同此泛湖濱閱殘江海無窮事看編河山不老春奔走天涯還是我昂頭世界豈依人匆匆未了平生願不向林泉久匿身

二月二十一日從味西師復過唐山寺僧未歸林間

南遊續集

卷二

七

小憩五律云不見唐山寺
苔封翠幾重
峯迴雲樹合
谷靜野煙濃
花隱疑無路
林深聽有鐘
空山人寂寞
何處問仙蹤

二十二日從味西師過官港宿陳貳尹質堂家次日約登四角尖師作五律云奇峯出雲漢縹緲若羣仙山色連吳會江光接楚天寺殘經浩劫僧老話前緣萬里高朋聚登臨豈偶然是日山多雲霧惜不能眼界一寬余亦賦二律云攜筇登絕頂彷彿出層霄雲起石都活鐘鳴山欲搖塔殘賢劫遠香暗佛煙消採藥尋仙去應逢王子喬其二云迤邐羣巒出嶠隣四角開雲中千佛現江上數峯迴洞古龍遺蛻山空鳳

有臺歸逢樵客問我自日邊來

四角尖山勢從隆一峯獨聳係南龍大幹由大洪嶺
奔洪而來至官港脫落平岡過峽突起是峰高數萬
仞橫開大章左達彭澤湖口右峙獅古塔龍腦尖皆
峻嶺崇山此爲建德最高之頂也余賦七古云君不
見四角之尖高挿天奔洪萬嶺如叢鷺飛渡姑塘塞
百川橫壓東流半江水倒旋飛鳥不可越猿猴愁攀
援側身欲上巖摩肩舉首仰之星斗懸四角尖無人
敢躋攀上通湖口石鐘在其右下與彭澤相鉤連蘇
子好遊足跡曾不得到陶公却步折腰難絕巘何崦
七磴道何盤七九峯嵯峨直挿雲霄間令人戰慄肝

南遊續集

卷二

八

膽寒我今且登碧雲巔腳踏獅古塔手挽龍腦尖鄱
陽萬頃狂奔到面前置身空中飛雲煙使我巽然高
望心茫然北不見太華西不見峨山悠七萬里心重
重塵霧塞東南焉得大風起兮雲飛散頓使登臨一
望開心顏

四月二十四日從味西師到桃源鋪看橫山坂一穴
行至山口聞鳥笑聲師作七絕云經邱歷壑不辭遠
又到桃源問古津何事數聲溪鳥笑七儂不似避秦
人余亦作五律云桃源流水杏落日照橫塘覽勝披
芳草尋幽趁夕陽谷深聞鳥笑山靜聽花香怕向漁
人問黃昏過別梁

五月初一日從味西師訪鄧潤之於低嶺潤之昔從
味師肄業今已三十年相聚一堂豆粥菜羹留食其
家師作八韻以贈云州載一相聚重遊低嶺塘詩書
徵風好兒女喜成行渴飲山泉冽饑餐豆粥香家承
先映畝案有古文章開戶千峯迴穿林萬木涼徑深
無俗客坐靜似禪房盤谷幽人地桃源隱者鄉不辭
尊酒醉從子且徜徉余亦作五律二首贈云欲訪幽
人窟山深路幾重嶺低紅日近石瘦白雲封聽鳥知
芳徑呼童問隱蹤到門還不叩倚杖候青松潤之同
門余昔未識面今始相會皆白頭鬚也又云萬里
一相會三生緣更親共爲師弟子同是白頭人雞黍

南遊續集

卷二

九

田家味桑麻世外身此間有道樂何必懷朱輪

初三日將晚同甯國吳建侯北門外看山登高遠眺
明日建侯將赴秧田坂作五律以寄余即原韻以送
之云把袂高岡立如登太華峯人勞鬚更白樹老葉
偏紅坐話宵來夢眠聽夜半鐘明朝分手去山外寄
行蹤

廿五日陳質堂來求味西師將登四角尖詩書好鐫
石以誌雪泥鴻爪之意師命代質堂昆仲作二首分
寫以紀盛遊其一云絕頂登臨日飄七我欲仙松高
眠野鶴山靜聽鳴蟬貝葉傳經字曇雲結篆煙願隨
香案吏長侍佛燈前其二云四角嶺嶺立中通梵宇

開雲生羣壑，蹊路轉萬峯。迴怪石凝仙骨，殘碑上翠苔。空山人不到，時有鶴飛來。

二十一日建德看山罷歸，由安慶到蕪湖，過東叅山下見榴花盛開，鮮明如火，味西師賦一絕云：來時雪滿千山白，去後榴開一路紅。何事淹留遠朝市，爲尋幽谷避炎風。余卽原韻和之云：東叅山下榴如火，萬樹爭開鬥日紅。可惜青春時已過，不曾借得好東風。蓋亦各抒其志也。

二十六日至蕪湖，見周玉帥太夫子談建德看山事，得桃源橫山坂一穴，玉帥大喜，旋以擇吉委余。余味西師亦決計歸農，感賦七律二首，以紀桃源風景之樂。

南遊續集

卷三

十

其一云：讀書浪說博高官，不及爲農百事歡。饒汝折腰贏五斗，何如鼓腹飽三餐。酬恩枉費嘔心膽，報土空勞漑肺肝。白髮蕭上人厭棄，歸耕且得免饑寒。其二云：鑄成大錯是爲官，說着歸耕夢亦歡。春日社前堪縱酒，午風涼處好加餐。無才祇合安狐首，使詐終應食馬肝。整頓耰鋤山下去，回看世路膽猶寒。余卽原韻和之。其一云：於今變法豈周官，種種民心總失歡。悉是貪金成利藪，誰爲返璧受盤餐。艱辛世味如嘗膽，欺詐人情早見肝。獨有山林真樂地，青青松柏耐霜寒。其二云：學稼爲心不問官，躬耕自是有同歡。吾廬可愛甘長藿，人世全非恥素餐。山到衡陽登馬

耳江從巫峽望牛肝看來世路多危險不及農家泌
水寒涇縣吳茂才建侯亦和二首中有佳句云三千
彈罷馮公缺一飯難忘漂母餐

六月初三日從味西師遊灣沚閱方山圩舟橫蘆葦
中青碧可愛晚遇大雨終夜不眠賦五律云灣沚湖
初落方圩日已西濕煙迴岸曲殘月遠山低江上秋
帆重蘆中客艇迷夜深渾不寐風雨聽晨雞
初十日將由蕪赴滬留別吳建侯一首云素有遊湖
志扁舟萬里同雨餘芳草碧日落赭山紅客路多奇
夢秋帆向遠空與君暫離別聊唱大江東與建侯相
約九月建德看山又會也

南遊續集

卷三

十一

十一日夜出海口遇大風雨十二日入吳淞口至上
海晚遊四馬路繁華奢靡甲於海宇賦五律云輕舟
入雲際遠水連天河寒潮起濕霧夜雨生風波海市
夕陽少江湖煙月多繁華覩不盡將奈頭白何

輪船出海口一夜狂風暴雨兩岸無涯波濤連天心
甚危懼夜坐賦一首云梯山踏芳徑航海入煙霧萬
里濯足來一夜波心住狂風吹行舟暴雨塞窗戶宵
深獨不眠心懼濤聲怒

十五日與長子世特發信回川賦一律云青山長不
老白髮日相催遙望故鄉遠坐看鴻雁來臨江幾回
淚望蜀一登臺萬里寄書去心情還自哀

十六日隨味西師遊四馬路戲園觀劇歸賦七律一首云遊罷西園馬路過江干夜色動煙波花迎人面皆知笑鳥喚枝頭亦解歌深巷客歸清月少高樓曲罷綵雲多繁華自是宵來夢轉盼無如白髮何

同味西師宴滬上四馬路酒樓云水國開花市江城泛月波電光通戶牖春色滿幃羅舊座丁年客新腔子夜歌誰憐長袖舞終日老江河

師欲歸農不屑與時人爭此五斗米余仰慕高蹈呈一律云不貪軒冕貴嘯傲在山林早識名途淺終嫌宦味深覬覦僚窳目歡洽故人心最愛陶彭澤門前五柳陰

南遊續集

卷二

十二

十七夜復過四馬路賦一絕云香霧初開露海棠遊人目逆聽幽香任他絕色如花貌不及厨中貧賤娘蓋亦如東門之什而匪我思存也

十八日滬上送吳叔良歸蕪湖云清晨臨古渡薄暮入荒城煙水渺無際秋帆懸赤輕浮雲海上暗落日空中明何以送君去黃鸝三兩聲

二十二日由滬上歸乘江裕輪船出海口作云飛輪出海口初日照江頭曉氣連秋水荒煙入畫樓遠山低岸隱殘月半湖收不解乘桴者應從何處浮

二十三日晚泊鎮江云舟廻鎮江晚星落長河稀電光爍秋月花氣薰征衣共戀夕陽好那知零露非晞

覺獨何往西山歌采薇

江中望焦山作云森森一峯出獨峙大江中山勢最
崎嶇宮院何玲瓏高入北辰居下有東溪公隱逸自
來去幽人何處逢

覺雲禪師漢中新集人也因魯叔善得悉高誼余過
金山欣然訪之未遇云覺雲杳行跡落日散微塵丹
榻久無客寒山空向人靜聞童子傷不見法王身寂
寂自歸去何事問水濱

二十八日回九江往復四次至則如歸竊嘆人生知
遇洵爲難得次日過潯陽打登琵琶亭有感云一曲
欄干淚濕妝居然商婦也流芳座中不有白司馬空

南遊續集

卷二

十三

抱琵琶訴一場

七月初一日至武昌適值三伏月餘無雨炎威過盛
余同味西師退避無術而少年輩猶自嬉遊道途中
感而作五律云酷日臨湘浦炎威肅武昌氣蒸江漢
溷勢壓海天長虎豹無由避蛟龍不敢張怪他年少
輩猶自戀驕陽

武昌避暑酷熱日甚一日作七絕四首云夏日揚威
偈我躬退藏皆是白頭翁少年大半趨炎熱猶自嬉
遊鼎釜中其二云炎威撲滿上林東四體憂危軟似
絨縱有高臺能却避披襟安得大王雄其三云蛇山
野火勢飛空猶傍驕陽助虐攻酷暑不知何日退清

風一線最難通其四云搔首何能問化工於今夏日
正瞳上一朝倘得秋風起四海羣氛一掃空

新秋歸漢皋登樓望鄉國云征馬已歸漢微霜初落
河日臨吳會少夜傍楚山多白髮懷桑梓秋風憶薛
蘿漸隣鄉國近惟問路如何

八月初八日讀周叔弼世兄遊廬山黃龍寺詩清新
俊逸風雅宜人余和其原韻一首云黃龍寺裡龍黃
去不見黃龍又復來南國江山難復舊東吳霸業已
成灰白雲千載風猶古青草盈庭徑未開獨立匡廬
何所憶却邀明月共徘徊

住蕪湖周叔弼世兄爲余照相頗肖真形余作五律

南遊續集

卷二

十四

一章以贈云色相非空相翻疑幻境遊對他還是我
化蝶却爲周並坐迷青眼相看共白頭重添眞面目
身是幾生修

蕪湖暫住出遊江上述懷云覽盡江南萬里天蕪湖
檐駐與悠然重陰柳喜留征馬新種花還愛少年世
事何常歸定局山川依舊枕寒泉布衣不問升沉事
閉戶聊吟梁甫篇

十四日寄家音回北山長子世特在蜀次子世緯已
隨師到北京去矣蕪湖獨立那不傷懷值此佳節悵
然意遠賦五律云今夜中秋月蕪湖我獨看天涯諸
子隔別淚一燈寒夢繞秦川遠心悲蜀道難家書寄

將去愁問路漫七

十五日同吳建侯周叔被蕪湖玩月有懷云滿天星
斗過中秋山自青青水自流皓首未忘家國念寒山
空向旅人愁五更明月三更夢叶里江湖萬里舟笳
管莫教吹徹去鄉心今夜在秦樓

十七日同周玉帥太夫子過南河觀稻田入胡姓宅
小憇玉帥作七律一首云千畝湖田半就荒暮年無
意問饑穰貪涼且種排門樹少睡還修待月廊抱石
沉河終迫隘爲文誓墓亦疏狂聖恩未報身衰病把
卷挑燈淚滿裳玉帥命和余步原韻一首云老倦拋
書戰策荒自慚無術學田穰一生山水娛泉石萬里

南遊續集

卷三

十五

江湖遠廟廊毛遂豈誇囊底穎琴張虛有聖門狂可
憐中外憑誰治今日空垂上古裳

十八夜與吳建侯周叔被蕪湖望月各賦一絕以誌
感慨以情橫二字爲韻建侯有今人猶見當時月之
句頗觸余衷余卽此一句爲首句作一絕云今人猶
見當時月不見當時月有情明月有情誰解得長天
空對一輪橫

廣東爲二辰九案大開國恥紀念會抵制日貨甚爲
快意夜與周叔被談及時事憤懣填膺叔被賦一律
余卽其原韻和之云銀燭高燒夜不寒憂時淚灑五
更關新章法變排安石大事糊塗笑呂端壯士莫揮

三尺劍與情空對二辰九粵東民氣尤堪振可惜中原局太殘

書齋自述遣懷云一個南腔北調人結廬依舊傍山村醉歸陌上自攜履間臥齋中懶閉門疏拙已干干古笑驅馳不效

九重恩浮生富貴空勞想枕上黃梁總夢魂

周叔被世兄爲余照一行樂圖相余自題云不衫不履不簪纓脫帽露頂忘世情嵇叔懶殘吾與友米顛狂放我呼兄披篋讀史臨風臥拄笏看山傍晚行白髮蒼頭君莫笑少年還是美書生

偕周叔被遊鳩江龍王廟訪雲窟禪師觀畫三首云

南遊續集

卷三

十六

小院深七水繞廊臨江一閣夏初涼白鷓鴣誦多羅偈紅蜻蜓帶茵菖香睡起眼昏花亂舞醉餘詩熟草偏忙人生最是間中樂一局圍棋下未遑其二云點綴湖光入畫堂寺僧煮茗味尤香山深帶雨花還笑閣小臨江草亦涼夏簟午醒梁夢短秋雲辰散楚天長一聲漁笛滄浪晚數點昏鴉送客忙

二十四夜大雨作夜雨感懷詩四首其一云一番秋雨一番風來若奔洪去絕蹤滴似巉巖漂瀑布悲於深院聽鳴蛩驚回故國羈人夢敲碎寒山古寺鐘霹靂一聲天欲破想應滄海走蛟龍其二云蜀棧秦關歲月忙那堪客邸又經霜招涼一雨新秋爽投筆十

年舊學荒終夜飯牛何日且昔時歌鳳也非狂老來
最怕西風早身上衣裳誰寄將其三云夢繞夔巫十
二峯瀟七夜雨斂愁容登山射虎終嫌老彈鋏思魚
嘆未逢倚枕曉聞孤唳鶴聽樓間伴五更鐘客懷也
是悽涼處况復秋郊露更濃其四云二分殘月五更
時獨坐深宵有所思路繞函關秋信早舟迴鄂渚客
行遲書因帶草郵傳急燈欲成花夢豈知夜雨秋池
今已漲巴山何日報歸期

二十五日夜夢甚奇醒來自悟云翻身忽墜大羅天
深悔從前錯結緣榮榮辱辱常常有是是非非日日
纏不若不來還不去如何如醉亦如顛此生誤插紅

南遊續集

卷三

廿七

塵足已墮紅塵六十年

九月二十二日從周玉帥太夫子建德看山歸蕪湖
叔被世兄寄鳩江晚眺詩一首余卽其原韻和之云
西風白帝杜秋興長笛清江趙倚樓別淚燈花同滴
七行雲流水兩悠悠七身依北斗三更月心繫南園萬
里舟建業千峯看不盡歸船何日下芳洲

二十六日題廬山雲窟禪師畫山水圖云刁樓聲歇
曙光寒野店春深曉夢殘欸乃一聲明月落不知何
客過江干其二云水亭三五晚涼多散步橋西杖履
過何處數聲漁笛至也知秋色老江河其三云江河
水漲客帆收旌影高飄拂戍樓關卡別無一個秋

風蕭瑟入窗愁其四云萬壑杉松響杜鵑千山巖壁
掛飛泉忽然一夜風兼雨吹徹江頭月不圓爲周叔
弼兄畫一中堂山水圖題云故人江海買書回倚杖
柴門傍午開夏簾日長無所事閒敲棋子待帆來
十月初五日送周叔弼世兄歸揚云聚時如浪合散
時若水流聚散兩無定流水自悠上水流萬里秋帆
遠不見君歸見船纜牽掣離情到刊江頓使枕上一
夜夢魂招不轉

實之觀察吾師之胞弟也來蕪省親住數日赴揚州
余送別江上云昔時漢臬上披襟心猶壯今日蕪湖
東轉瞬又秋風秋風蕭蕭白雲裏船頭吹徹征帆起

南遊續集

卷三

十八

帆轉江流不見君江上鷓鴣啼不已

初十日登高眺望懷周叔弼世兄一首云秋山望不
遠猶得日登覽秋水涉不淺江流帆自轉思君揚州
道悠悠何日返揚州道上陽春早春到窻前着花好
莫遣春風枕畔來吹斷夢魂飛不到

十月十三日魯叔善來蕪湖二十一日周玉帥太夫
子命同入建德看山到小菴高結左青天岡右風帽
尖直峙天外冬月初三日爲施建昌書屏咏一律云
羣峯高聳青天外二水交橫建業中風帽斜披雲頂
白月鉤新掛小菴紅龍蟠虎踞環山谷寶象金牛出
檻籠一點靈犀眞可愛團團太極化無窮

小菴高十數里下瞰良田鋪遙望東村與桃源橫山
坂相接壤山僻而幽谷深而峻中開平坂有居人數
十家雞犬桑麻怡然自樂余愛其地之幽靜爲建昌
書屏云小菴明月掛東村萬頃良田細草茵雞犬遙
聞深谷暗桑麻親觀美池新落花有意誰相識樵客
無心不問津疑是桃源尤僻靜此中却少避秦人
安樂寺舊名武陵山出桃源口里許距梨埠口十里
皆橫山坡水口山也余爲周玉帥卜吉壤於橫山坡
係南幹大王龍中枝出脈余過秧田坂閱玉帥馬鞍
嶺祖地又卜得唐山寺周家山及楊柳枝鮑家壠打
鼓坦黃梅鋪各地均屬吉壤可愛爲全文潤書屏云

南遊續集

卷三

九

秧田坂上問天民指點唐山是古津梨埠好沽金谷
酒桃源不減武陵春家家細雨黃梅熟處處新晴碧
草茵斜跨馬鞍歸去晚摘枝楊柳贈行人

十二月十六日同魯叔善入雲峯山到雲峯寺小憩
題壁云山行不數里縹緲入雲峯幽徑通禪寂曇煙
出翠重林間一渠水花外數聲鐘未見採樵者仙人
何處逢

宣統元年己酉居蕪倦遊思返擬以三月回藉出貢
改官入秦先寄信歸家元旦試筆云元日題詩寄海
濱思歸望遠路頻七花因賀歲朝新主鳥爲呼晴喚
舊人風月盡收三島去煙雲灑徧五湖春行行萬里

遊應倦人事還須戀故秦

周實之觀蔡周叔弼司馬余世交也去歲秋江話別
暑往寒來韶華易逝余去歲除夕自建德歸見春草
離上殊深感慨人日寄詩云建業千峯建道深飄然
東下一帆輕秋帆遠道送君去回頭又見春草生春
草生春草方生春水暮幾回望斷江頭路汀頭路滑
草青青塞上人歸不知處

南遊續集

卷三

五

北山草堂詩文集跋

戊申仲夏余省大父蕪湖識西蜀楊先生煥之於座上稍接談知爲振奇人也後朝夕過從悉得其生平先生幼懷經世志長而漫遊足跡徧十數行省落落無所合益恣情山水搜尋林壑以自放而胸中蘊蓄之奇盤結鬱伊無所宣洩往往見之於文辭詩詠今其所刻北山草堂詩文集者是也閒出以示余余讀之訝其詩文不類近人所爲又不拘乞求合於古人惟卽其足跡所經見聞所及者藉以抒寫意氣而氣骨雄峻自兀然不可攀玩而思之理固有然無足怪者間之蜀中山水之奇甲於天下騷人文士寄居盤

南遊續集

卷二

廿一

遊登覽其地者每有所賦轍高異是以古今詩人如唐之杜工部宋之陸劍南

國朝之王漁洋其生平所譚詠因各擅絕一時而入蜀後詩文尤異豈數子學力至此而始至歎抑耳目所接劍閣棧道之奇有以渙發其性情故其詩因益雄奇偉特稱其山川焉先生生長川蜀爲時久暫以視數子固不可同日而語而又周歷天下名山大川以盪其胸臆宜其詩文之卓匕有以自立也先生於經史諸子無所不窺能書畫兼精醫卜象數堪輿家之術天文輿紀及兵家言尤擅所長其爲學深遠固非余謏陋寡學所能窺測萬一聊記數語以識景仰

之思焉

安徽建德叔弼氏周暹謹跋



